

18.-19. YÜZYIL OSMANLI PANAYIRLARI VE HAFTA PAZARLARINA DAİR BELGELER-II*

*Doç.Dr. M.Akif ERDOĞRU***

BELGELER

- 66- 19.R.1252/3 Ağustos 1836 tarihli Nevrekep ikame-i bazarı.
- 67- 26 Safer 1277/13 Eylül 1860 tarihli Nevrekep panayırı.
- 68- 5 safer 1286/7 Mayıs 1870 tarihli Resülayn panayırı.
- 69- Treboliçe panayırı.
- 70- 24 C. 1166/1 Mayıs 1753 tarihli Vasilkov ikame-i bazarı.
- 71- Şevval 1280/ Mart 1863 tarihli Lahana köyü ikame-i bazarı.
- 72- 15 RA 1278/10 Eylül 1862 tarihli avalto kazası ikame-i bazarı.
- 73- 9 Muharrem 1280/26 Haziran 1863 tarihli Bağlıca köyü ikame-i bazarı.
- 74- 7 C. 1171/17 Şubat 1758 tarihli Avrathısarı ikame-i bazarı
- 75- 13 Muharrem 1274/3 Eylül 1857 tarihli Mersin ikame-i bazarı.
- 76- 25 Receb 1286/31 Ekim 1869 tarihli Kulu köyü ikame-i bazarı.

* Bu yazının ilk kısmı OTAM'ın 5. sayısında yayınlanmıştır.

** Ege Üniversitesi Fen Edebiyat Fakültesi Tarih Bölümü Öğretim Üyesi.

77- 9 Cemazielahir 1279/2 Aralık 1862 tarihli Merambağları ikame-i bazarı.

78- 9 Muharrem 1287/11 Nisan 1870 tarihli Alıpınarı panayırı.

79- 4 R. 1261/11 Mayıs 1845 tarihli Ermenek ikame-i bazarı.

80- 11 Rabielahir 1286/21 Temmuz 1869 tarihli Beylerli köyü ikame-i bazarı.

81- 8 Rebiülahir 1286/12 Temmuz 1869 tarihli Tefenni ikame-i bazarı.

82- 3 Rebiülahir 1286/13 Temmuz 1869 tarihli Biga ikame-i bazarı.

83- 17 Receb 1285/3 Kasım 1868 tarihli Muradiye meydanı ikame-i bazarı.

84- 21 S. 1259/23 Mart 1843 tarihli Bursa ikame-i bazarı.

85- 14 S. 1275/23 Eylül 1858 tarihli Bayramiç ikame-i bazarı.

86- 8 Rebiülevvel 1285/25 Ekim 1868 tarihli Beypazarı ikame-i bazarı

87- 29 Cemazielahir 1278/ 1 Ocak 1862 tarihli Yenişehir (Bursa) ikame-i bazarı.

88- 7 Şaban 1281/5 Ocak 1865 tarihli Yenice ikame-i bazarı.

89- 10 Ramazan 1260/23 Eylül 1844 tarihli Harmancık ikame-i bazarı.

90- 23 ZA 1261/23 Kasım 1845 tarihli Kapsud ikame-i bazarı.

91- 25 Şevval 1281/23 Mart 1865 tarihli Koyunağılı ikame-i bazarı.

92- 9 Muharrem 1281/14 Haziran 1864 tarihli İzmid ikame-i bazarı.

93- 9 Cemazielahir 1247/15 Kasım 1831 tarihli Adapazarı ikame-i bazarı.

94- 18 Cemazielahir 1255/29 ağustos 1839 tarihli Kekboza ikame-i bazarı.

95- 16 Cemazielevvel 1285/4 eylül 1868 tarihli Mahya panayırı.

96- 15 Zilhicce 1285/29 Mart 1869 tarihli Karadoğan ikame-i bazarı.

97- 29 Receb 1285/15 Kasım 1868 tarihli Musluca ikame-i bazarı.

98- 23 Cemazielahir 1251/16 Ekim 1835 tarihli Balıkesir panayırı.

99- Şaban 1272/Nisan 1856 tarihli İvrindi ikame-i bazarı.

100- 15 Zilkade 1282/1 Nisan 1866 tarihli Makaron ikame-i bazarı.

-66-

(TKGMA, no. 194, Drama Mufassal, 2.cilt, s.351.)

İkame-i bazar der kaza-i Nevrekop haftada bir gün yevm-i İsneyn

Damad-ı şehriyarî düstur-ı mükerrerrem müşir-i mufahham nizamü'l-âlem vezir Halil Rifat Paşa edamallahu teala iclalehunun emri idaresi uhdesine muhavvel olan Nevrekop kazasında haftada bir gün kurulmakda olan bazar yevm-i Pazar'da icra olunmakda ise de kaza-i mezbur sekeneşi ekseri reaya oldukları cihetle ahz ü italarında germiyyet olmadığı beyanıyla bazar-ı merkumun yevm-i İsneyn tahvili hususu kaza-i mezbur müdürü Redif-i Mansure binbaşısı kıdvetü'l-emacid ve'l-ayan Mir Mehmed zide mecduhu tarafından inha ve ol babda kaza-i mezbur ahhalilerinin tarafına meb'us mahzarlarıyla Nevrekop naibi kıdvetü'n-nüvvabi'l-müteşerrîn mevzana Es-Seyyid İbrahim Zühdü zide İlmuhunun bir kıt'a ilamı leffen takdim kılınmış ve vakıan kaza-i mezburun ekseri sekeneşi reaya ola-

rak bazar-ı mezburun icrası ayinleri gününe tesadüf eylediğinden layıkıyla ahz ü ifa edemeyecekleri vazihatdan bulunmuş olmadığından bahisle bazar-ı mezkurun yevm-i ısneyne tahvili mahzurdan selh olduğu halde icrasına müsaade-i seniyye erzan olunmasını vezir-i müşarünileyh Bab-ı Alişan'a tezkire takdimiyle inha etmekden naşi kuyud-ı lazimesi ve emsali keyfiyeti bade'l-ihraç Nevrekop kazasına tabi mahallat ve neferat-ı gebran-ı aded ile nefsi-i Nevrekop ve'l-mahsul tahtında müselmanan-ı çift ve bennak ve mücerred ve gendüm ve çavdar yekun maa gayrihi yetmişüçbin yedi yüz akça yazı ile Defter-i Mufassal'da muharrir kalemiyle tahrir ve Defter-i İcmal'de yazı-yı mezkuresinden ikibin akçası ifraz ve Gümülcine nahiyesine tabi Haslu nam karye ile birikdirilüp yekun maa gayrihi otuzdörtbinondört akça an zeamet deyü bir icmal ve icmal-i mezburun ikibinsekizyüzdoksandört akçası Asakir-i Mansure süvarilerinden Ahmed veled-i İbrahim'in kaydında olup, bakisi müşterekleri kaydlarında olduğu ve ihraç olunanlardan maada ber mantuk-ı tezkire vezir-i müşarünileyh ilam ve mahzar mantuku üzere nefsi-i Nevrekop'da bazar kurulduğuna dair bir guna kayd olmadığı cevabı tahrir olmuş ve ber mukteza-yı Defter-i Hakani nefsi-i Nevrekop el-mezburenin mahsulat ve rüsumatı Asakir-i Mansure süvarilerinden merkur Ahmed veled-i İbrahim ile sair müşterekleri taraflarından zabt olmak iktiza eder bu surette vezir-i müşarünileyhnin tezkiresi muğadi ve takdim olunan ilam-ı şer'iyye ve mahzar mantuku üzere bazar-ı mezburun ikamesi emsali misillü yevm-i Pazar'dan Pazarertesi'ne tahvili hususuna müsaade-i seniyye erzan olduğu takdirce husus-ı mezbur hakpa-yı mülukaneye arz ve istizan-birle hatt-ı hümayun-ı inayet-makrun-ı şahane süduyuyla Defterhane-i Amire'ye müceddeden sebt ve tashih için Divan-ı Hümayun'dan tashih emri şerifi itası iktiza edeceğini iftiharü'l-ekabir ve'l-ekarim camiü'l-mefahir ve'l-mekarim el-muhtassu bi-mezidi inayeti'l-melik'd-daim tuğrakeşlik inzımamıyla halen defter emini El-Hacc İbrahim Edhem zide uluvvuhunun arz elediği müşirlik rütbe-i celilesini haiz halen Darbhane-i amire defterden düstur-ı mükerrrem müşir-i mufahham nizamü'l-alem Es-Seyyid Ali Rıza Efendi edamallahu teala iclalehu takrir ve takriri atabe-i ulya-yı mülukaneye lede'l-arz kaza-i merkurde kurulmakda olan bazarın Pazarertesi gününe tahviliyle icrasına ibtidar olunması mealinde mübarek hatt-ı mekarim-nakt-ı şahane-i levha-aray südur etmekle mucibince tashih emri şerifi ısdarı babında sarahaten ferman-ı alişan sadır olmağın hatt-ı hümayun-ı inayet-makrunla sadır olan ferman-ı celülü'l-kadr ve defterdar-ı müşarünileyhin takriri mucibleince defterlerin getirdüp ber minval-i muharrer bazar-ı mezkuru

Pazarertesi gününe tahvil ve müceddeden ikame olmak üzere Defterhane-i Amirane olan kaydı mahallini kaleminle sebt ve tashih eyleyüp İcmal-i hakanisin veresin deyü bu hakire hitaben varid olan ferman-ı celilü'l-kadr mucubince sebt ve tashih olundu fi 9 R sene 252

El-Fakir el-Hacc İbrahim tevkiî ve emin-i Defterhane-i Amire

İkame-i bazar der kaza-i Nevrekop haftada bir gün yevm-i Pazartesi

Vassalede tafsil olunduğu üzere Nevrekop kazasında haftada bir gün kurulmakta olan bazar yevm-i Pazar'da icra olunmakta ise de bazar-ı mezburun ikamesi emsali misillü yevm-i Pazar'dan Pazartesine tahvili için bu hakire hitaben ba hatt-ı hümayun sadır olan ferman-ı ali mucubince tashih olundu fi 19 R sene 252

-67-

(TKGMA, no.194, Drama Mufassal, 2.cilt, s.351.)

Küşad-ı panayır-ı kaza-i Nevrekop beher sene der ibtida-i Ağustos ve küşad-ı panayır-ı Pirlepe der-akabinde panayır-ı Uzuncaova.

Siroz sancağı dahilinde kain Nevrekop kazasıyla Pirlepe kazasında beher sene Ağustos'un ibtidasında küşad olunmakta olan panayır-ıların vakt-i küşadı bir güne tesadüf ederek ekser tüccar Pirlepe panayırına gitmekte ve bu keyfiyet mezkur Nevrekop panayırının ibtaliine bais olmakda olduğundan iki taraf panayırının ahz ü itasına halel gelmemek üzere mezkur Pirlepe panayırının mutad-ı kadimi bulunan ruz-ı hızır veyahud Uzuncaova panayır-ı akabinde ve Nevrekop panayırının dahi kadimî vechle Ağustos'un ibtidasında küşadı hususu mahallerinden ba mazbata inha olunmuş ve kuyud-ı lazıme müracaat olundukda zikr olunan Nevrekop kazası zeamet ve Pirlepe kazası h a s s-ı h ü m a y u n dahilinde bulunmuş olmasıyla vakt-i muayyeni tashih olunması hususuna müsaade-i seniyye-i mülukane erzan kılındığı halde Defterhane-i Amire'de olan kaydları mahalli ba hatt-ı tevkiî tashih olunmak üzere Divan-ı Hümayundan tashihi emri şerif ısdarı lazım geleceği defter emaneti tarafından mukaddema arz ve ilam olunmuş olduğundan zikr olunan panayır-ıların ol vechle küşadına irade-i seniyye-i şahane taalluk eylediği

halde Defterhane-i Amire'de olan kadı mahalli bu hatt-ı tevkiî tas-
 hih olunmak üzere başka ve mahallerine ifade-i hali mutazammın
 başka olarak üç kıt'a emr-i şerif ısdar ve keyfiyet malum olmak
 üzere Varidat muhasebesine ilm ü haberinin itası hususu vükela-yı
 fiham-ı saltanat-ı seniyyeden halen maliye nazırı ve mecrediye
 nişan-ı hümayununun birinci rütbesinin haiz ve hamili düstur-ı mü-
 kerrem müşir-i fetanet-semir **Ahmed Muhtar Paşa** edamallahu
 Teala iclalehu canibinden bu takrir ve telhis ifade olunmuş ve mez-
 kur Nevrekop panayırının ağustos ibtidasından ve Pirlepe panayırın-
 nın dahi mahalli istid'ası vechile Uzuncaova panayırı akabinde kü-
 şadı hususlarına irade-i seniyye-i şahane müteallik ve şeref-südur
 olarak mukteza-yı münifi üzere ifade-i hali mutazammın mahalleri-
 ne başka başka evamir-i şerife tāsdir kılınmış olmağın mucibince
 Defterhane-i Amire'de olan kaydı mahalli tashih olunmak üzere
 mütehayyizan-ı rical-i Devlet-i Aliyye'den tevki-i Divan-ı Hüma-
 yun **Mehmed Raif** dame uluvvuhuya hitaben sadır olan emr-i ali
 mucibince müceddeden tashih ve sebt-i defter olundu fi 26 Safer
 sene 277.

El-Fakir Raif et-tevkiî

Küşad-ı kaza-i panayır-ı Nevrekop beher sene der ibtida-yı
 Ağustos

Vassalede tafsil olduğu üzere Nevrekop kazasında senede bir
 defa Ağustos ibtidasında küşad olunmak üzere ba hatt-ı hümayun
 tashih ve sebt-i defter olundu fi 26 (S(afer) sene 77 El-Fakir Raif
 et-tevkiî

-68-

(TKGMA, no.177, Şam-ı Şerif Mufassal, 2. cilt, s.27)

Panayır-ı Resulayn der kasaba-i Baalbek beher üç ayda bir gün

Şam-ı Şerif sancağına tabi Baalbek kasabası civarında kain Re-
 sulayn nam mahalde panayır küşadı tevsi-i ticarete meneafi-yi aha-
 liyi mucib olacağından bahisle mahall-i mezkurda beher üç ayda
 bir kere müceddeden panayır küşadı hususu da mazbata inha olun-
 muş olmakdan naşi kuyud-ı lazıme müracaat olundukta mahall-i
 mezkur havass-ı hümayun dahilinde olduğu cihetle panayır-ı mez-
 kurun ikame olunması hususuna müsaade-i aliyye erzan kılındığı

halde Defterhane-i Amire'de olan kaydı mahalli ba hatt-ı tevkiî tashih olunmak üzere başka ve mahalline ifade-i hali mutazammın başka iki emr-i şerif isdarıyla Varidat muhasebesine ilm ü haberi verilmek üzere tesviyesi Maliye nezaret-i celilesini ve defter emanet-i behiyye tarafından ilam olunmuş ve ol vechile icrası hussuna irade-i aliyye müteallik olarak mucebince ifade-i hali mutazammın diğer emr-i şerif tasdir kılınmış olmağın kasaba-i mezburda beher üç ayda bir kere müceddeden panayır ikame ve küşad olunmak üzere Defterhane-i Amire'de olan kaydı mahalli müceddeden tashih olunmak için bu hakire hitaben sadır olan ferman-ı ali mucebince tashih olurdu fi 5 Saferi'l-hayr sene 1286.

El-fakir El-Hacc Mehmed Raif et-tevkiî

Vassalede tafsilen şerh olunduğu üzere Baalbek kasabası civarında kain Resulayn nam mahalde beher üç ayda bir kere panayır-küşadı hususuna irade-i aliyye-i vekalet-penahi şeref-südur buyrulmuş olmağın ol babda sadır olan ferman-ı ali mucebince tashih ve sebt-i defter olundu fi 5 Saferi'l-hayr sene 1286

El-Fakir el-Hacc Mehmed Raif et-tevkiî

-69-

(TKGMA, no.24, Mora Mufassal, 1.cilt, s.148.)

Hane-ı panayır dar sahra-yı haliye hariç-i sur-ı kaza-i Trebolice

Mora ceziresinde vaki Trebolice kazasının hariç surunda kain medine-i mezbure eşrafından ve meşayih-i kiramdan kıdvate's-suleha's-salikin Şeyh El-Hacc Ahmed Necib zide salahahunun mülk-i mevrusu olan arsa üzerine birkaç beneden berü Temmuz'un yirminci gününden bed ile on beş gün mikdarı panayır kurularak etraf ve kurb ve civar olan Eğriboz ve İnabahtı ve Karlieli ve Yanya ve Tırhala ve Selanik ve Bahr-i Sefid'den tevarüd eden tüccar taifesi yedlerinde olan emtia ve eşyalarını bey ü şıra edegelmişler ise de tüccar taifesinin cem'iyetleri olan mahall-i merkume sahra-yı haliye olmak mülabesiyle bir panayır hanı bina ve ihdasına muhtaç olmaksınca Eğriboz sancağında vaki İzdin kasabası derununda kurulan panayırın şürut-ı serbestisini dercile şeyh-i mu-maileyhin yedine berat-ı şerife itasıyla panayır-ı mezkurun zaman-ı mahsusunda beher sene ale'd-devam cemiyete riayet olunmak

üzere kaffe-i elviyeye ve tüccarın mütevarid oldukları mahalle ifade ve ilam olunmak babında emr-i şerife ısdar olunması hususu ba ilam inha ve istid'a olundukda Arhos kazasında ikame olunan panayır valisi arzıyla olduğundan bu dahi salih gayr-ı salihmidir keyfiyetin istilamı babında hatt-ı hümayun-ı şevket-makrunla sadır olan ferman-ı celilü'l-kadra imtisalen husus-ı mezkur vücuh-ı vilayet ve iskan-ı memleket ve saireden bi'l-istinsak birkaç beneden berü vakt-i merkumede etraf-ı kaza ve mahall-i saireden tevarüd eden tüccar taifesi mahall-i merkume sahra-yı haliye olarak emtialarını bey ü şıra etmekte iseler de zaruret keşide eylediklerinde bir panayırhane inşa ve ihdası bi'l-cümle tüccaran haklarında (devamı yok.)

-70-

(TKGMA, no.186, Selanik Mufassal, 1.cilt, s.52)

İkame-i bazar beher hafta yevm-i Pençsenbe

Selanik kazasına muzaf Kalamarya nahiyesinde vaki ikiyüzelli hanevi muhtevi olan Vasilfov karyesinde ötedenberü bazar olmadığına binaen levazımat-ı zaruriyeleri tedarikinde suubet çekmekte olduklarındah bahisle karye-i mezkurede beher hafta Pençsenbe günlerinde müceddeden bazar küşadı hususu ahali-i reaya taraflarından bundan akdem ba arzuhal istid'a olunmuş ve mahall-i mezkurda müceddeden bazar ikame olundukda aher güne mahzur ve mazarratı olup olmadığı keyfiyet iş'ar olunmak babında mahallinden istilam olundukda Karye-i mezburede müceddeden beher hafta bir def'a Pençsenbe günlerinde bazar ikame olduğu halde ahalisinin ticarete menfaatlerini mucib ve hemcivar bulunan kura ahalisinin istirahat-ı hal ve refahiyetlerini müstevcib olacağı ve mahallince aher güne bir mahzuru olmadığı beyanıyla icabının icrası hususu ba mazbata inha olunmakdan naşı kuyud-i defter-i hakanisi bade'l-ihraç Kalamarya nahiyesine tabi neferat-ı aded ile karye-i Vasilkov el-mahsul tahtında ispenç ve cev ve gendüm yekun maa gayrihi onbin akça yazı ile Defter-i Mufassal'da muharrir kalemiyle tahrir ve Defter-i İcmal'de tamam yazı'yı mezkuresi hass-ı hümayun mülhakatından olmak üzere tahrir-i defter olmuş ve zikrolunan Vasilkov karyesinde ikame-i bazarın tahriri mahalli bulunmadığının cevabı tahrir olunmuş bu takdirce ber mukteza-yı Defter-i Hakani salifü'z zikr karye-i Vasilkov el-mezburenin mahsulat ve rüsumatı hass-ı hümayun tarafından zabt olunmak iktiza edüp ancak ber mantuk-ı mazbata salifü'z-zikr Vasilkov karyesinde müceddeden

beher hafta Pençşembe günlerinde bazar ikame olunması hususuna müsaade-i aliyye olduğu halde canib-i mülukaneye lede'l-arz irade-i seniyye-i şahane taalluk ederek Defterhane-i Amire'de olan kaydı mahalli bu hatt-ı tevkii tashih olunması için Divan-ı hümayundan tashih-i emr-i şerif isdarı mukteza-yı maslahatdan idüğü defter emini sabık müteveffa Mustafa Kani Bey tarafından arz ve ilam olunmuş ve karye-i mezburede beher hafta Pençşembe günlerinde bazar ikamesi zımında Defterhane-i Amire'de olan kaydı mahalli ba hatt-ı tevkii tashih olunmak üzere başka ve mahalline ifade-i hali mutazammın başka iki kıt'a emr-i şerif isdarı ve bazar-ı mezburun tefrikasına tevfikân vukügelecek hasılatın varidat-ı saire ile maan cedvellere idhalen maliye hazinesine irsali babında Selanik müşirine tahrirat tastiriçün mektubi maliye odasıyla Rumeli Varidat muhasebesine ilm ü haberleri itasıyla tesviyesi hususu halen maliye nazırı iftiharü'l-eali ve'l-eazım muhtarü'l-ekabir ve'l-efahim Es-Seyyid Mehmed Halid dame uluvvuhu tarafından bu takrir ve telhis ifade ve ifham olunmuş ve ol vechile icrasına irade-i seniyye-i şahane taallukuyla ol babda hatt-ı hümayun-ı şevket-makrun-ı şahane şeref-efza-yı sahife-südur olarak mukteza-yı münifi üzere ifade-i hali mutazammın diğeri emr-i şerif tasdir kılınmış olmağla bazar-ı mezkurun beher hafta Pençşembe günlerinde ikame olunmak üzere Defterhane-i Amire'de olan kaydı mahallini sebt ve tashih eyleyesin deyü varid olan emr-i ali mucibince tashih ve sebt-i defter olundu fi 24 C sene 66

El-Fakir El-Hacc Ahmed Rıza et-tevkîhalen

İkame-i bazar beher hafta yevm-i Pençşembe

Vassalede tafsilen şerh olunduğu üzere Vasilkov karyesinde beher hafta Pençşembe günlerinde bazar ikamesi hususuna irade-i seniyye-i mülukane müteallik ve şeref-südur buyrulmuş olmağla mucibince ba ferman-ı ali tashih olundu fi 24 C sene 66

-71-

(TKGMA, no.186, Selanik Mufassal, 1.cilt, s.71)

İkame-i bazar-ı karye-i Lahana der nahiye-i Lankaza beher hafta yevm-i Pazarertesi

Selanik sancağında Lankaza nahiyesinde kain Lahana karyesinde ve civarında bazar olmadığından ahali ahz ü ita için on iki

saat mahale gitmekte olduklarından bahisle karye-i mezburede beher hafta Pazarertesi günleri bazar ikame olunması hususu Selanik meclisinden ba mazbata inha olunmuş olmakdan naşi kuyud-ı lazımeye müracaat olundukda karye-i mezbure havass-ı hümayun dahilinde olduğu cihetle bazar-ı mezkurun Pazarertesi günlerinde ikame olunması hususuna müsaade-i seniyye-i mülukane erzan kılındığı halde Defterhane-i Amire'de olan kaydı mahalli ba hatt-ı tevkii tashih olunmak üzere emr-i şerif ısdarı mukteza-yı maslahatdan idüğü defter emaneti tarafından arz ve ilam olunmuş ve ber mucib-i ilam bazar-ı mezkurun Pazarertesi günlerinde ikamesi hususuna müsaade-i seniyye-i mülukane erzan kılındığı halde Defterhane-i Amire'de olan kaydı mahalli ba hatt-ı tevkii tashih olunmak üzere başka ve mahalline ifade-i hali mutazammın başka iki kıt'a emr-i şerif ısdarıyla tesviyesi hususu vükela-yı fiham-ı saltanat-ı seniyyeden maliye nazırı ve Osmanî ve Mecidiye nişan-ı zişanlarının birinci rütbelerinin haiz ve hamili düstur-ı mükerrerrem müşidri mufahham nizamü'l-alem müşir-i fetanet-semirim Mustafa Fazal Paşa edamallahu Teala iclalehu canibinden ba tahrir ve telhis efade ve ifham olunmuş ve ol vechile icrası hususuna irade-i seniyye-i mülukane müteallik ve şeref-südur olarak mukteza-yı münifi üzere ifade-i hali mutazammın diğer emr-i şerif tastir kılınmış olmağın mucibince Defterhane-i Amire'de olan kaydı mahalli ba hatt-ı tevkii müceddeden tashih ve sebt-i defter olundu fi Şevval sene 1280

El-Fakir Seyyid Mehmed Arifi emin-i Defter-i Hakani

İkame-i bazar-ı karye-i Lahana der nahiye-i lankaza beher hafta yevm-i Pazarertesi

Vassalede tafsilten şerh olunduğu vechile karye-i mezkurede beher hafta yevm-i mezkurda bazar ikamesine irade-i seniyye müteallik ve şerefsüdur buyrulmuş olmağla ol babda sadır olan فرمان-ı ali mucibince tashih olundu fi Şevval sene 1280

El-Fakir Seyyid Mehmed Arifi emin-i Defter-i Hakani

-72-

(TKGMA, no.186, Selanik Mufassal, 1.cilt, s.100.)

İkame-i bazar-ı kaza-i Avalto beher hafta yevm-i cumartesi

Avalto karyesinin merkez kaza ittihazıyla beher hafta Cumaertesesi günlerinde bazar ikamesi hususu mülhakatiyle halen Selanik valisi ve Mecidiye nişan-ı hümayununun ikinci rütbesinin haiz ve hamili düstur-ı mükerrer müşir-i mufahham vezir Hüsnü Paşa edamallahu Teala iclalehu tarafından ba tahrirat imha olunmuş olmandan naşi kuyud-ı lazımeğe müracaat olundukda kaza-i mezbur hass-ı hümayun dahilinde bulunmasıyla bazar ikame olunması hususuna müsaade-i seniyye-i mülukane erzan kılındığı halde Defterhane-i Amire'de olan kaydı mahalli müceddeden sebt ve tashih olunmak üzere emr-i şerif ısdarı mukteza-yı maslahatdan idüğü defter emaneti tarafından arz ve ilam olunmuş ve ber mucib-i ilam beher hafta Cumaertesesi günlerinde müceddeden bazar ikame olunmak üzere Defterhane-i Amire'ye müceddeden sebt ve tashih ile tesviyesi hususu vükela-yı fiham-ı saltanat-ı seniyyeden halen maliye nazırı ve Mecidiye nişan-ı hümayununun birinci rütbesinin haiz ve hamili düstur-ı mükerrer müşir-i mufahham nizamü-'l-alem müşir-i fetanet-semir Mehmed Tevfik Paşa edamallahu Teala iclalehu canibinden ba takrir ve telhis ifade olunmuş ve ol vechile icrası hususuna irade-i seniyye-i mülukane taallukıyla ol babda hatt-ı hümayun-ı şevket-makrun-ı şahane şeref-efza-yı sahife-südur olarak mantuk-ı münifi üzere ifade-i hali mutazammın diğeri emr-i şerif tastir kılınmış olmağın mucibince Defterhane-i Amire'de olan kaydı mahalli ba hatt-ı tevkîî tashih ve sebt-i defter olundu fi 15 RA sene 278

El-Fakir Es-Seyyid Mehmed Raif tevkîî Divan-ı Hümayun

İkame-i bazar-ı karye-i avalto beher hafta yevm-i cumaertesesi

Vessalede tafsilen şerh olunduğu üzere İspir ve Avalto karyesinde beher hafta Cumaertesesi günlerinde müceddeden bazar ikame olunmak üzere sadır olan ferman-ı ail mucibince sebt ve tasrih olundu fi RA sene 278

El-Fakir Es-Seyyid Mehmed Raif tevkîî-i Divan-ı Hümayun

-73-

(TKGMA, no.186, Selanik Mufassal, I.cilt, s.142.)

İkame-i bazar-ı karye-i Bağlıca der nahiye-i Lankaza beher hafta yevm-i Pazartesi

Selanik sancağına merbut Lankaza nahiyesinde kaim Bağlıca karyesinde bazar olmadığı cihetle ahalişi dad ü sitad hususunda meşakkat çekmekte olduklarından bahisle karye-i merkumede beher hafta Pazartesi günleri bazar ikame olunması hususu Selanik meclisinden ba mazbata inha olunmuş olmakdan naşi kuyud-ı lazıme müracaat olundukda karye-i mezkur vakıf dahilinde olduğu cihetle beher hafta Pazartesi günlerinde ikame olunması hususuna müsaade-i seniyye-i mülukane erzan kılındığı halde Defterhane-i Amire'de olan kaydı mahalli ba hatt-ı tevkii müceddeden sebt ve tashih olunmak üzere emr-i şerife ısdarı mukteza-yı maslahatdan idüğü defter emaneti tarafından arz ve ilan olunmuş ve ber muceb-i ilam bazar-ı mezkurun Pazartesi günlerinde ikame olunması hususuna müsaade-i seniyye-i mülukane erzan kılındığı halde Defterhane-i Amire'de olan kaydı mahalli tashih olunmak üzere başka ve mahalline ifade-i hali mutazammın başka iki kıt'a emr-i şerife ısdarı ve keyfiyet malum olmak için Varidat muhasebesine ilm ü haber verilmek üzere tesviyesi hususu vükela-yı fiham-ı saltanat-ı seniyyeden maliye nazırı olup birinci rütbe-i Osmani ve ikinci rütbe-i Mecidi nişan-ı zi-şanlarının haiz ve hamili düstur-ı mükerrem müşir-i mufahham nizamü'l-alem müşir-i fetanet-semirim Mehmed Kani Paşa edamallahu Teala iclalehu tarafından ba takrir ifade ve ifham olunmuş ve ol vechile icrası hususuna emr ve irade-i seniyye-i şahane müteallik ve şeref-südur olarak mukteza-yı münifi üzere ifade-i hali mutazammın diğer emr-i şerif tastir kılınmış olmağın mucebince Defterhane-i Amire'de olan kaydı mahallin ba hatt-ı tevkii müceddeden tashih ve sebt-i defter olundu fi 9 Muharrem sene 1280

El-fakir Es-Seyyid Mehmed Arifi emin-i Defter-i Hakani

İkame-i bazar der karye-i Yoğulca der nahiye-i Lankaza beher hafta yevm-i Pazartesi

Visalede tafsil olunduğu üzere bazar-ı mezburun yevm-i muzburda ikamesi hususuna irade-i seniyye müteallik ve şeref-südur buyrulmuş olmağla ol babda sadır olan ferman-ı mucebince tashih kılındı fi 9 Muharrem sene 1280

El-Fakir Es-Seyyid Mehmed arifi emin-i Defter-i Hakani

(TKGMA, no.186, Selanik Mufassal, 1,cilt, s.224.)

Avrethisarı kazasında beher hafta Pazarertesi günü küşad olanmakda olan bazar mürur-ı zaman ile terk olunmuş ve bazar-ı mezkurun ahalice menfaati mucib olacağından yevm-i mezkurda küşad olunması hususu kaza-i mezkur meclisinden ba mazbata ve ilam inha olunmuş olmakdan naşi kuyud-i lazimesi Defterhane-i Amire'den bade'l-ihraç neferat ve zemin-i aded ile nefsi-i avrethisarı ve'l-mahsul tahtında çift ve ispenç ve gendüm ve cev ve bac-ı bazar-ı kasaba-i mezkur maa gayrihi onikibinsekizyüzotuzüç akça yazu ile Defter-i Mufassalda muharrir kalemiyle tahrir ve Defter-i İcmal'de tamam yazu-yı mezkuresi Ahmed Paşa hassı mülhakatından olmak üzere tahrir olunmuş ve bu takdirce ber mukteza-yı Defter-i Hakani sabıkü'z-zikr nefsi-i Avrethisarı'nın mahsulü ve bac-ı bazar ve rüsumat-ı sairesi Ahmed Paşa hassı tarafından zabt etdirilüp ancak bazar-ı mezkurun ikamesi hususuna müsaade-i aliyeye olduğu halde Hümayun-ı şahaneye lede'l-arz irade-i seniyye-i şahane taalluk ederek Defterhane-i Amire'de olan kaydı mahalli ba hatt-ı tevkii tashih olunmak üzere Divan-ı Hümayun'dan tashih-i emr-i şerif ısdarı mukteza-yı maslahatdan idüğü rical-i Devlet-i aliye'den halen defter emini iftiharü'l-eali ve'l-eazım Ahmed Tevfik Bey dame uluvvuhu tarafından arz ve ilam olunmuş ve kema fi's-sabık yevm-i mezkurda ikamesi zımında Defterhane-i Amire'de olan kaydı mahalli tashih olunmak üzere başka ve mahalline ifade-i hali mutazammın iki kıt'a emr-i şerif tasdir ve bazar-ı mezkurda furuht olunacak eşya ve rüsum-ı mukarresenin neşr ve ilam kılınan t a r i f e - i m a t b u a mucebince ahz ü tahsil etdirilmesi zımında halen Selanik valisine tahrirat tastircün mektubi maliye halen Selanik ve Rumeli Varidat muhasebesine ilm ü haberleri itasıyla tesviyesi hususu vükela-yı fiham-ı salatanat-ı seniyyeden Mecidiye nişan-ı hümayunun ikinci rütbesini haiz ve hamil halen umur-ı maliye nazırı düstur-ı mükerrerem müşir-i mufahham nizamü'l-alem müşir-i sadakat-semir Ali Şefik Paşa edamallahu teala iclalehu canibinden ba tahrir ve telhis ifade ve ifham olunmuş ve ol vechile icrasına irade-i seniyye-i şahane taallukıyla ol babda hatt-ı hümayun-ı şevket-makrun-ı şahane şeref-riz-i sahife-südur olarak mukteza-yı münifi üzere ifade-i hali mutazammın diğer emr-i şerif tasdir kılınmış olmağın bu hakire hitaben sadır olan ferman-ı ali mucebince bazar-ı mezkurun yevm-i mezkurda ikame olunmak

üzere Defterhane-i Amire'de olan kaydı mahallini tashih ve sebt-i defter olundu fi 7 C sene 71

El-Hassü'l-fuad El-Hacc Ahmed Nureddin et-tevkîf

Nefs-i Avrethisarı'nda beher hafta Pazartesi günü küşad olunmakda olan bazar-ı mezbur zaman ile terk olunmuş ve bazar-ı mezkurun küşadı ahalice menfaati mucib olacağından yevm-i mezkurda kemakan küşad olunmak hususuna irade-i seniyye-i canib-i mülukane müteallik ve şeref-südur buyrulmuş olduğundan sadır olan ferman-ı mucebince tashih olundu fi 7 C sene 71

El-Hassü'l-fuad El-Hacc Ahmed Nureddin et-tevkîf

-75-

(TKGMA, no.134, Tarsus Mufassal, s.10.)

İkame-i bazar der mahall-i İskele-i Mersin tabi-i Liva-i Tarsus

Tarsus sancağına tabi Mersin iskelesinde gün be-gün imar olunmakda olan umur-ı ticaretin ber faideha ilerilemesi zımnında iskele-i mezburda beher hafta Cuma günü ikamesi ve mahall-i mezkurda bulunan Devlet-i aliyye ve Düvel-i müntehabe tüccar ve tebaası taraflarından istid'a olunmuş olduğu Tarsus meclisinden ba mazbata inha ve mazbata-i mezburu musaddık hala mülhakatıyla valisi ve Mecidiye nişan-ı hümayununun ikinci rütbesinin haiz ve hamili düstur-ı mükerrerem müşir-i mufahham nizamü'l-alem vezir-i Halil kamili Paşa edamallahu Teala iclalehu tarafından ba tahriyat inha olunmuş olmakdan naşi kuyud-ı lazimesi Defterhane-i Amire'den bade'l, ihraç Mersin iskelesinin kaydı bulunmadığından bazar-ı mezkurun icrası hususuna müsaade-i seniyye-i mülukane erzan kılındığı halde Defterhane-i Amire'de ba hatt-ı tevkii müceddeden sebt ve tashih olunmak üzere Divan-ı Hümayundan tashih-i emr-i şerif ısdarı mukteza-yı maslahatdan idüğü mütehayyizan-ı rical-i Devlet-i Aliyye'den halen defter emini iftiharü'l-eali ve'l-eazım müstecem-i cemie'l-meali Ahmed Tefvik Bey dame uluvvuhu tarafından arz ve ilam olunmuş olduğundan ber muceb-i ilam mahall-i mezburda beher hafta Cuma günlerinde ikame olunacak bazarın müceddeden sebt ve tashihi zımnında Defterhane-i Amire'de ba hatt-ı tevkii tashih olunmak üzere başka ve mahalline ifade-i hali mutazammın başka iki kıt'a emr-i şerif ısdarı ve keyfi-

yet malum olmak üzere Anadolu varidat muhasebesine ilm ü haberinin itasıyla tesviyesi hususu vükela-yı fiham-ı saltanat-ı seniyyeden halen maliye nazırı ve mecidiye nişan-ı hümayununun birinci rütbesinin haiz ve hamili düstur-ı mükerrem müşir-i mufahham nizamü'l-alem müşir-i sadakat-semerim Es-Seyyid Mehmed Hasib Paşa edamallahu Teala iclalehu canibinden ba takrir ve telhis ifade ve ifham olunmuş ve ol vechile icrası hususuna irade-i seniyye-i mülukane taallukuyla ol babda hatt-ı hümayun-ı şevket-makrun-ı şahane şeref-efza-yı sahife-südur olarak mukteza-yı münifi üzere ifade-i hali mutazammın diğer emr-i şerif verilmiş olmağla mezkur Mersin iskelesinin beher hafta Cuma gününde müceddeden bazar ikame ve küşad olunması için Defterhane-i Aire'de sebt ve kayd ile icmal-i hakanisin ita eyleyesin deyü varid olan emr-i ali lmucebince tashih ve sebt-i deefter olundu fi 13 Muharrem sene 1274

El-Fakir Mehmed Sadet-tevki-i Divan-ı Hümayun hala

İkame-i bazar-i iskele-i Mersin

Visalede tafsilen şerh olunduğu vechile mezkur Mersin iskelesinde beher hafta Cuma gününde müceddeden bazar ikamesine irade-i seniyye müteallik ve şeref-südur buyrulmuş olmağla ol babda sadır olan ferman-ı ali mucebince tashih ve sebt-i defter olundu fi 13 Muharrem sene 1274

El-Fakir Mehmed Said et-tevki-i Divan-ı Hümayun

Karye-i Mersin tabi-i Tarsus Visalede tafsilen şerh olunduğu üzere mezkur Mersin karyesinin Defterhane canibince kuyud-ı mahalli olmadığından müceddeden sebt-i defter-i hakani kılınarak cennet-mekan firdevs aşıyan bezm-i alem Valide Sultan tabe seraha hazretlerinin vakf-ı şeriflerine tashih olunmak için bu hakire hitaben sadır olan ferman-ı ali mucebince ber minval-i muharrer karye-i merkume müceddeden sebt-i defter olunarak sultan-ı müşarünha hazretleri vakfına tashih olundu fi 26 Cemazielula sene 282

El-Hakir El-Hacc Mehmed Raif et-tevki-i

-76-

(TKGMA, no.149, Turgud Mufassal, s.149.)

İkame-i bazar-ı karye-i Kulu der kaza-i Esbkeşan beher hafta yevm-i Pençsenbe

Konya sancağı dahilinde kain Esbkeşan kazasıiçün merkez itti-haz olunan Kulu karyesinde beher hafta pençşenbe günleri müceddeden bazar ikamesi hususu da mazbata ve tahrirat inha olunmuş olmakdan naşi kuyud-ı lazımeğe müracaat olundukda karye-i mezkur timar dahilinde olduğu cihetle bazar-ı mezkurun mahall-i mezburda Pençşenbe günlerinde müceddeden küşad olunması hususuna müsaade-i aliyye erzan kılındığı halde Defterhane-i Amire'de olan kaydı mahalli ba hatt-ı tevkiî tashih olunmak üzere başka ve mahal-line ifade-i hali mutazammın başka iki kıt'a emr-i şerif ısdarıyla Varidat muhasebesine ilm ü haberi verilmek üzere tesviyesi hususu maliye nezaret-i celilesi ve defter emanet-i behiyyesinden ifade ve ilam olunmuş ve ol vechile icrası hususuna irade-i aliyye müteallik olarak mucebince mahalline ifade-i hali mutazammın diğere emr-i şerif tasdir kılınmış olmağın karye-i mezburede beher hafta Pençşembe günlerinde müceddeden bazar ikame ve küşad olunmak üzere Defterhane-i Amire'de olan kaydı mahalli müceddeden tashih olunmak için bu hakire hitaben sadır olan ferman-ı ali mucebince tashih olundu fi 25 Receb sene 1286.

El-Fakir El,Hacc Mehmed Raif et-Tevkiî

Visalede tafsilen şerh olunduğu üzere Esbkeşan kazası için merkez ittihaz olunan Kulu karyesinde beher hafta Pençşembe günlerinde müceddeden bazar küşadı hususuna irade-i aliyye-i vekaletpenahi şeref-südur buyrulmuş olmağın ol babda sadır olan ferman-ı ali mucebince tashih ve sebt-i defter olundu fi 25 Receb sene 1286

El-Fakir El-Hacc Mehmed Raif et-tevkiî

-77-

(TKGMA, no.104, Konya Mufassal, 1.cilt, s.30-31.)

İkame-i bazar der mahall-i Merambağları der nefsi Konya beher hafta yevm-i Cumaertesî

Konya ahalsinin ekserisi mevsim-i sayfdan güz mevsimine değın nakl ile ikamet edegeldikleri şehrin bir saat haricinde kain Merambağları nam mahalde çarşu ve bazar olmadığından ahali-i merkume tedarik ve iştiray-ı havayic-i zaruriyyeleri zımnında külli yevm şehre gidüp gelmekde ve suret-i gelkeş(?) ve meşakkati istilzam etmekde idüğinden ve kura-i mütevavire ahalsine dahi suhulet

olmadığından bahisle mahall-i mezkurda beher hafta Cumaertesi günleri bazar kurulması hususu da mazbata inha olunmuş olmakdan naşi kuyud-ı lazımeğe müracaat olundukda zikr olunan mahall hass-ı hümayun dahilinde olduğu cihetle ber muceb-i inha bazar ikamesi hususuna müsaade-i seniyye-i mülukane erzan kılındığı halde Defterhane-i Amire'de olan kaydı mahalli ba hatt-ı tevkîî müceddeden sebt ve tashih olunmak üzere emr-i şerifim ısdarı muktezaya-yı maslahatdan idüğü defter emaneti tarafından arz ve ilam olunmuş ve ber muceb-i ilam bazar-ı mezkurun Cumaertesi günlerinde ikamesi hususuna müsaade-i seniyye-i mülukane erzan kılındığı halde Defterhane-i Amire'de olan kaydı mahalli ba hatt-ı tevkii tashih olunmak üzere başka ve mahalline ifade-i hali mutazammın başka iki kıt'a emr-i şerif asdırı ve keyfiyet malum olmak üzere Varidat muhasebesine ilm ü haberin itasıyla tesviyesi hususu vükelaya-yı fiham-ı saltanat-ı seniyyeden maliye nazırı Mecidiye nişan-ı zi-şanının birinci ve nişan-ı al-i osmani'nin ikinci rütbelerinin haiz ve hamili düstur-ı mükerrerem müşir-i fetanet-semir Mehmed Nuri Paşa edamallahu Teala iclalehu canibinden ba takrir ve telhis ifade ve ifham olunmuş ve ol vechile hususuna irade-i seniyye-i şahane müteallik ve şeref-südur buyrulmuş olmağın mücebince bazar-ı mezkur Cumaertesi günlerinde ikame ve küşad olunmak üzere Defterhane-i Amire'de olan kaydı mahalli ba hatt-ı tevkii müceddeden sebt ve tashih olunmak üzere bu hakire hitaben sadır olan ferman-ı ali mucebince tashih ve sebt olundu fi 9 Cemazielahir sene 1279

El-Fakir Es-Seyyid Mehmed Raif tevkî-i Divan-ı Hümayun

İkame-i bazar der mahall-ı Merambağları der nefsi-i Konya beher hafta yevm-i Cumaertesi Visalede tafsilen şerh olunduğu üzere Konya ahalsinin mevsim-i sayfda şehrin bir saat haricinde kain Merambağları nam mahalde bazar ikamesiçün sadır olan ferman-ı ali mucebince tashih ve sebt-i defter olundu fi 9 Cemazielahir sene 1279

El-Fakir Es-Seyyid Mehmed Raif tevkii

-78-

(TKGMA, no.155, Diyarbekir Mufassal, 3.cilt, s.57)

Panayır-ı Ali-pınarı dade der nefsi-i Diyarbekir beher sene Mayıs'ın onbeşinci gününden nihayetine kadar

Diyarbakir dahilinde kain Ali Pınarı bağçeleri civarında umum ahalinin teksir-i ahz ü itası zımında beher sene Mayıs'ın onbeşinci gününden nihayetine değin müceddeden panayır küşadı hususu ba tahrirat inha olunmuş olmaktan naşi kuyud-ı lazımeğe müracaat olundukda mahall-ı mezkur havass-ı hümayun dahilinde olduğu cihetle panayır-ı mezkurun eyyam-ı mezburlarda küşad olunması hususuna müsaade-i aliyye erzan kılındığı halde Defterhane-i Amire'de olan kaydı mahalli ba hatt-ı tevkii tashih olunmak üzere başka ve mahalline ifade-i hali mutazammın başka iki kıt'a emr-i şerif ısdarıyla Varidat muhasebesine ilm ü haberi verilmek üzere tesviyesi hususu maliye nezaret-i celilesi ve defter emanet-i behiyyesinden ifade ve ilam olunmuş ve ol vechle icrası hususuna irade-i aliyye müteallik olarak mucebince ifade-i hali mutazammın diğer emr-i şerif tasdir kılınmış olmağın mucebince mahall-i mezkurda beher sene Mayıs'ın onbeşinci gününden nihayetine kadar müceddeden panayır ikame ve küşad olunmak üzere Defterhane-i Amire'de olan kaydı mahalli müceddeden tashih olunmak için bu hakire hitaben sadır olan ferman-ı ali mucebince tashih olundu fi 9 Muharremi'l,haram sene 1287

El-Fakir El,Hacc Mehmed Raif et-tevkîf

Vassalede tafsilen şerh olunduğu üzere Diyarbakir dahilinde kain Alıpınarı-bağçeleri civarında beher sene Mayıs'ın onbeşinci gününden nihayetine değin müceddeden panayır küşadı hususuna irade-i aliyye-i vekalet-penahi şeref-südur buyrulmuş olmağın ol babda sadır olan ferman-ı ali mucebince tashih ve sebt-i defter olundu fi 9 Muharremi'l-haram sene 1287

El-Fakir El-Hacc Mehmed Raif et-tevkîf

-79-

(TKGMA, no.128, İçel Mufassal, s.14.)

İkame-i bazar-ı nefsi-i kasaba-i Ermenek beher hafta çarşenbe günü

İçel sancağında vaki nefsi-i Ermenek kasabasıyla sair kurb ve civarında bulunan kasabalarda bazar ikamesi cari olmadığından ahali ve fıkaraş erzak-i mütenevvia mahsullerini ve taife-i tüccar dahi emtialarını bey' ve fûruht etmekde ızhar cihet duçar-ı mihen

ve meşakkat olmakda ve ol havalide zahairin killet ve nedret üzere bulunduđu cihetle sair gelüp giden yolcular dahi yem ve yiyeceklerin mübayaa ve ızharı zımnında zaruret ve meşakkat çekmekde bulduklarından ahali ve fukaranın zahmet ve meşakkatden vikaye ve himayeleri zımnında kasaba-i mezbure civarında vaki Arifiye nam suk-ı sultani-i cedid derununda beher hafta Çarşenbe günü bazar ikamesiçün ruhsatı havi bir kıt'a emr-i alişan ısdarı kasaba-i mezbure meclisi tarafından bu mazbata ve ba ilam inha ve Istabl-ı Amire müdürlüğü payesini haiz Dergah-ı Mualla kapucubaşlarından liva-i mezbur kaimakamı iftiharü'l-emacid ve'l-ekarim Hasan zide uluvvuhu tarafından dahi tahrir ve inha olmakdan naşi kuyuda lede'l-müracaa Ermenek nahiyesine tabi mahallat ve neferat-ı aded ile nefsi Ermenek hasıl gayrı ez cizye ve tamga ve bac-ı keyl tahtında öşri gallat gendüm ve şair ve bac-ı bazar-ı esb ve kav ber muceb-i kanun-ı kadim ve kapan-ı penbe kırk akçadan bir akça alınur yekun maa gayrihi otuz sekiz bir akça yazı ile Defter-i Mufassal'da muharrir kalimeyle tahrir ve Defter-i İcmal'de tamam yazıyı mezkuresiyle mirliva-i İçel hassı mülhakatından olmak üzere tahrir-i defter olmuş ve bu takdirce ber mukteza-yı Defter-i Hakani sabıkü'z-zikr nefsi Ermenek el-mezburenin **gayrı ez cizye ve tamga ve bac-ı keyl** mahsulat ve rüsumatıyla tahtında muharrir bac-ı bazar ve resm-ı ağnam-ı kassaban ve bac-ı bazar-ı esb ve kav ber muceb-i kanun-ı kadim el-mezburenin dahi fi sene müteveccihatı mirliva-i İçel hassı tarafından zabt olunmak iktiza etmiş ve Nevrekop kazasına tabi Zırtova karyesinde beher hafta Cumaertesi günü müceddeden bazar ikamesiçün binikiyüzellidört tarihinde südur olan hatt-ı hümayun mucebince Defterhane-i Amire'de olan kaydı mahalli ba hatt-ı tevkii tashih olunduđu emsalinden bulunmuş olmağla emsali vechile müceddeden beher hafta çarşenbe günü bazar ikamesiçün müsaade-i aliyye erzan kılındığı halde canib-i hümayun-ı mülukaneye ledel'-arz irade-i seniyye-i şahane taalluk ederek Defterhane-i Amire'de olan kaydı mahalli tashih olunmak için Divan-ı Hümayundan tashih emri şerifinin ısdar ve tesyari mukteza-yı maslahatdan idüğü mütehayyizan-ı rical-i Devlet-i Aliyye'den halen defter emini iftiharü'l-eali ve'l-eazım Mustafa Kani Bey dame uluvvuhu tarafından arz ve ilam ve mucebince Defterhane-i Amire'de olan kaydı mahalli ba hatt-ı tevkii tashih olunmak için başka ve mahalline ifade-i hali mutazammın başka iki kıt'a emr-i şerif ısdar ve tesyariyle tesviyesi hususu vükela-yı fiham-ı saltanat-ı seniyyeden halen maliye nazırı düstur-ı mükerrerem müşiri mufahham nizamü'l-alem müşiri sadakat-semir Safveti Paşa edamallahu Teala iclalehu canibinden dahi ba takrir ve telhis ifade ve

ifham olunmuş ve ol vechile icrasına irade-i seniyye-i mülukane tallukıyla ol babda hatt-ı hümayun-ı şevket-makrun-ı şahane şerefefza-yı sahife-südur olarak mukteza-yı münifi üzere ifade-i hali mutazammın diğer emr-i şerif tasdir kılınmış olmağla bazar-ı mezburun Çarşenbe gününde ikame olunmak üzere Defterhane-i Amire'de olan kaydı mahallini kaleminle tashih ve sebt eyleyesin deyü bu hakire hitaben varid olan emr-i ali mucebince tashih olundu fi 4 R sene 1261

Es-Seyid Ahmed Nureddin et-tevkîf

Vassalede tafsilen şerh olunduğu üzere bazar-ı mezburun Çarşenbe gününde ikame olunmak üzere varid olan emr-i ali mucebince tashih olundu fi 4 R sene 1261

Es-Seyyid Ahmed Nureddin et-tevkîf

-80-

(TKGMA, no.51, Hamid Mufassal, s.67.)

İkame-i bazar-ı karye-i Beylerli tabi-i nahiye-i Irla der kaza-i Karaağaç beher hafta yevm-i Cumaertesı

Hamid sancağında Karaağaç kazasına tabi Irla nahiyesinde kain Beylerli karyesinin cesameti cihetiyle karye-i mezkurda beher hafta Cumaertesı günleri müceddeden bazar küşadı muhassenatı müstelzim olacağı beyarıyla bazar-ı mezkurun karye-i mezburede küşad olunması hususu ba mazbata ve başka inha olunmuş olmandan naşi kuyud-ı lazıme müracaat olundukda karye-i mezkur timar dahilinde olduğu cihetle bazar-ı mezburun Cumaertesı günlerinde müceddeden küşad olunması hussuna müsaade-i aliyye erzan kılındığı halde Deftername-i Amire'de olan kaydı mahalli ba hatt-ı tevkîf tashih olunmak üzere başka ve mahalline ifade-i hali mutazammın başka iki kıt'a emr-i şerif ısdarıyla Varidat Muhasebesine ilm ü haberi verilmek üzere tesviyesi Maliye Nezaret-i Celilesi ve Defter Emanet-i behiyyesinden ifade ve ilam olunmuş ve ol vechile icrası hususuna irade-i aliyye müteallik olarak mucebince emr-i şerif tasdir kılınmış olmağın kaza-i mezburda beher hafta Cumaertesı günlerinde müceddeden bazar ikame ve küşad olunmak üzere Defterhane-i Amire'de olan kaydı mahalli müceddeden tashih olunmak için bu hakire hitaben sadır olan ferman-ı ali mucebince tashih olundu fi 11 Rebielahir sene 1286

El-Fakir El-Hacc Mehmed Raif et-tevkîf

Vessalade tafsilen şerh olunduğu üzere Irla nahiyesinde kain Beylerli karyesinde beher hafta Cumaertesi günlerinde müceddeden bazar küşadı hususuna irade-i aliyye-i vekalet-penahi şeref-südur buyrulmuş olmağın ol babda sadır olan ferman-ı ali mucebince tashih ve sebt-i defter olundu fi 11 Rebiülahir sene 1286

El-Fakir El-Hacc Mehmed Raif et-tevkîf

-81-

(TKGMA, no.51, Hamid Mufassal, s.57.)

İkame-i bazar-ı kasaba-i Tefenni beher hafta yevm-i Cuma

Hamid sancağında kain Tefenni kasabasında bundan on beş sene mukaddem beher hafta Cuma günleri küşad olunan bazar muahharan kasaba-i mezkureye bir saat mesafede olan Karamani karyesine nakl ve tahvil olunmuş ise de hükümetçe ve gerek ahalice suubet ve müşgülatı müeddi olmakda idüğinden bahisle bazar-ı mezkurun kema fi's-sabık kasaba-i mezburede küşad olunması hususu ba mazbata ve tahrirat inha olunmuş olmakdan naşi kuyud-ı lazımeye müracaat olundukda kasaba-i mezkur zeamet dahilinde olduğu cihetle bazar-ı mezkurun kasaba-i mezbureye nakli hususuna müsaade-i aliyye erzan kılındığı halde Defterhane-i Amire'de olan kaydı mahalli ba hatt-ı tevkii tashih olunmak üzere başka ve mahalline ifade-i hali mutazammın başka iki kıt'a emr-i şerif ısdarıyla Varidat muhasebesine ilm ü haberi verilmek üzere tesviyesi maliye nezaret-i celilesi ve defter emanet-i behiyyesinden ifade ve ilam olunmuş ve ol vechile icrası hususuna müsaade-i aliyye müteallik olarak mucebince diğer emr-i şerif tasdir kılınmış olmağın mucebince kasaba-i mezburda beher hafta Cuma günlerinde bazar ikame olunmak üzere Defterhane-i Amire'de olan kaydı mahalli müceddeden tashih olunmak için bu hakire hitaben sadır olan ferman-ı ali mucebince tashih olundu fi 8 Rebiülahir sene 1286

El-Fakir El-Hacc Mehmed Raif et-tevkîf

Vasalede tefsilen şerh olunduğu üzere Karaman karyesinde Cuma günlerinde küşad olunan bazarın Tefenni kasabasına nakli hususuna irade-i aliyye-i vekalet-penahi şeref-südur buyrulmuş ol-

mağın ol babda sadır olan ferman-ı ali mucebince tashih ve sebt-i defter olundu fi 8 Rebiülahır sene 286

El-Fakir el-Hacc Mehmed Raif et-tevkîf

-82-

(TKGMA no.79, Biga, Mufassal, s.5.)

İkame-i bazar-ı kaza-i Biga beher hafta yevm-i Pazartertesi

Biga kazasında beher hafta Pazar günlerinde küşad olunmakda olan bazar kaza-i mezburda mutavattın ahali-i gayrimüslimenin umur-ı ticaretlerini sektelendirmesinden dolayı Pazartertesi gününe tahvili hususu da mazbata inha olunmuş olmakdan naşi kuyud-ı lazimeye müracaat olundukda kaza-i mezkur timar dahilinde olduğu cihetle bazar-ı mezkurun yevm-i mezbura tahvili hususuna müsaade-i aliyye erzan kılındığı halde Defterhane-i Amire'de olan kaydı mahalli ba hatt-ı tevkii tashih olunmak üzere başka ve mahalline ifade-i hali mutazammın başka bir kıt'a emr-i şerif ısdarıyla Varidat muhasebesine ilm ü haberi verilmek üzere tesviyesi Maliye nezaret-i celilesi ve Defter emanet-i Behiyyesinden ifade ve ilam olunmuş ve ol vechile icrası hususuna irade-i aliyye müteallik olarak mucebince diğer emr-i şerif tasdir kılınmış olmağın mucebince kaza-i mezburda beher hafta Pazartertesi günlerinde müceddeden bazar ikame olunmak üzere Defterhane-i Amire'de olan kaydı mahalli tashih olunmak için bu hakire hitaben sadır olan ferman-ı ali mucebince tashih olundu fi 3 Rebiülahır sene 1286

El-Fakir El-Hacc Mehmed Raif et-tevkîf

Vassalede tafsilen şerh olunduğu üzere Biğa kasabasında beher hafta Pazar günlerinde küşad olunmakda olan bazarın Pazartertesi gününe tahvili hususuna irade-i aliyye-i vekalet-penahi şeref südür buyrulmuş olmağın ol babda sadır olan ferman-ı ali mucebince tashih ve sebt-i defter olundu fi 3 Rebiülahır sene 1286

El-Fakir El-Hacc Mehmed Raif et-tevkîf

-83-

(TKGMA, no.67, Hüdavendigâr Mufassal, 1.cilt, s.75.)

İkame-i bazar-ı mahalle-i Meydan-ı Muradiye beher hafta yevm-i Cuma ve pişgah-ı cami-i şerif-i Fiğanzade'de yevm-i Çar-

şanba ve karye-i Timurtaş'da yevm-i Pazar ve karye-i Susıǵırlıǵı'nda yevm-i Salı

Hüdavendigâr vilayetinde nefsi-i Burusa'da beher hafta Pazartesi günü bazar küşad olunmakda ise de kafi olmadığından Muradiye mahallesi meydanında Cuma ve Figanzade cami-i şerifi pişgahında Çarşenbe ve yine vilayet-i mezkur kuralarından Timurtaş'da Pazar ve Susıǵırlıǵı'nda Salı günleri müceddeden bazar küşad olunması hususu ba telgrafname inha olunmuş olmandan naşi kuyud-ı lazimeye müracaat olundukda nefsi-i Burusa hümayun ve karye-i mezkur Vani Mehmed Efendi emlaki ve Timurtaş karyesi dahi Evkaf-ı hümayun dahillerinde olduğu cihetle bazar mezkurların eyyam-ı muayyene-i mezburelerde ikame olunması hususuna müsaade-i aliyye erzan kılındığı halde Defterhane-i Amire'de olan kaydı mahalli ba hatt-ı tevkiî tashih olunmak üzere başka ve mahalline ifade-i hali mutazammın başka iki kıt'a emri şerif ısdarı ve Varidat mahusebesine ilm ü haberi verilmek üzere tesviyesi Maliye Nezaret-i celilesiyle Defter Emanet-i Behiyyesinden ifade ve ilam olunmuş ve ol vechile icrası hususuna irade-i aliyye müteallik olarak mucebince ifade-i hali mutazammın diğer emri şerif tasdir kılınmış olmağın mucebince mahalli-i mezkurlarda eyyam-ı muayyene-i mezburlarda müceddeden bazar ikame olunmak üzere Deftername-i Amire'de olan kaydları mahalli müceddeden tashih olunmak için bu hakire hitaben sadır olan ferman'ı ali mucebince tashih olundu 1

fi 17 Receb sene 1285

El-Fakir El-Hacc Mehmed Raif et-tevkî

Vassalede tafsilen şerh olunduğu üzere Muradiye mahallesi meydanında beher hafta Cuma ve Figanzade cami-i şerifi pişgahında Çarşenbe ve Kite nahiyesine tabi Timurtaş karyesinde Pazar ve Burusa nahiyesine tabi Susıǵırlıǵı'nda Salı günlerinde müceddeden bazar küşadı hususuna irade-i aliyye-i vekalet-penahi şeref-südur buyrulmuş olmağın ol babda sadır olan ferman-ı ali mucebince tashih ve sebt-i defter olundu fi 17 Receb sene 1285

El-Fakir el-Hacc Mehmed Raif et-tevkî

Nefsi-i Burusa'da tafsilen şerh olunduğu üzere Susıǵırlıǵı'nda beher hafta Salı günlerinde müceddeden bazar küşadı hususuna

mülukane erzan kılındığı halde Defterhane-i Amire'de olan kaydı mahalli ba hatt-ı tevkii tashih olunmak üzere Divan-ı Hümayun'dan tashihi emr-i şerif ısdarı mukteza-yı maslahatdan idüğü mütehayyizan-ı rical-i Devlet-i Aliyye'den halen defter emini iftiharü-l-eali ve'l-eazım müstecem-i cemiü'l-meali ve'l-mefahim Ahmed Tevfik bey dame uluvvuhu tarafından arz ve ilam olunmuş ve ber mucib-i ilam ihtiyar-ı mezburda beher hafta kurulan bazarın Çarşenbe gününde ikamesiçün Defterhane-i Amire'de olan kaydı mahalli ba hatt-ı tevkii tashih olunmak üzere başka ve mahalline ifade-i hali mutuazammın başka iki kıt'a emr-i şerif ısdarı ve keyfiyet malum olmak üzere Evkaf-ı hümayun muhasebesine ilm ü haberlerin itasıyla tesviyesi hususu vükela-yı fiham-ı salatanat-ı seniyyeden halen Evkaf-ı hümayun nazırı ve Mecidiye ve İmtiyaz nişan-ı hümayunlarının birinci rütbelerinin haiz ve hamili düstur-ı mükerrer müşir-i mufahham nizamü'l-alem müşir-i sadakat-semir es-Seyyid Mehmed Hasib Paşa edamallahu Teala iclalehu canibinden ba takrir ve telhis ifade ve ifham olunmuş ve ol vechile icrası hususuna irade-i seniyye-i mülukane taallukuyla ol babda hatt-ı hümayun-ı şevket-makrun-ı şahane şeref-efza-yı sahife südur olarak mukteza-yı münifi üzere ifade-i hali mutazammın diğer emr-i şerif verilmiş olmağla mezkur Bayramiç kazasında beher hafta Salı gününde küşad olunan bazarın Çarşenbe gününe tahvil olunmak üzere Defterhane-i Amire'de olan kaydı mahallin tashih eyleyesin deyü bu hakire hitaben varid olan emr-i ali mucebince ber minval-i muharret tashih ve sebt-i defter olundu fi 14 S sene 1275

El-Fakir Mehmed Sa'di et-tevkiî

Vassalede tafsilen şerh olunduğu vechile kaza-i mezkurda beher hafta Salı günü küşad olunan bazarın Çarşenbe gününe tahvili hususuna irade-i seniyye müteallik ve şeref-südur buyrulmuş olmağla ol babda sadır olan ferman-ı ali mucebince tashih ve sebt-i defter olundu fi 14 S sene 1275

El-Fakir Mehmed Sa'di et-tevkiî

-86-

(TKGMA, no.68, Hüdavendigâr Mufasssal, 2.cilt, s.115.)

İkame-i bazar-ı kasaba-i Beypazarı beher hafta yevm-i Pençşembe

Ankara sancağı dahilinde Beypazarı kasabasında beher hafta Cuma günleri küşad olunmakda olan bazarın kendülerince suhuleti mucib olmak üzere Pençşembe gününe tahvili hususu başka inha olunmuş olmakdan naşi kuyud-ı lazımeye müracaat olundukda kasaba-i mezkur havass-ı hümayun dahilinde olduğu cihetle bazar-ı mezkurun Pençşembe gününe tahvili hususuna müsaade-i aliyye erzan kılındığı halde Defterhane-i Amire'de olan kaydı mahalli ba hatt-ı tevkii tashih olunmak üzere başka ve mahalline ifade-i hali mutazammın başka iki kıt'a emr-i şerif ızdarı ve Varidat muhasebesine ilm ü haberin verilmek üzere tesviyesi Maliye Nezaret-i Celilesi ve Defter Emanet-i behiyyesinden ifade ve ilam olunmuş ve ol vechile icrası hussuna irade-i aliyye müteallik olarak mucibince ifade-i hali mutazammın diğer emr-i şerif tasdir kılınmış olmağın kasaba-i mezburede beher hafta Pençşembe günlerinde müceddeden bazar ikame ve küşad olunmak üzere Defterhane-i Hakani'de olan kaydı müceddeden tashih olunmak için bu hakire hitaben sadır olan ferman-ı ali mucibince tashih olundu fi 8 Rebiülevvel sene 1285

El-Fakir El-Hacc Mehmed Raif et-tevkiî

Vassalede tafsilen şerh olunduğu üzere Beypazarı kasabasında beher hafta Cuma günleri kurulmakda olan bazarın Pençşembe gününe tahvili hususuna irade-i aliyye-i vekalet-penahi şeref-südur buyrulmuş olmağın ol babda sadır olan ferman-ı ali mucibince tashih ve sebt-i defter olundu fi 8 Rebiülevvel sene 1285

El-Fakir El-Hacc Mehmed Raif et-Tevkiî

-87-

(TKGMA, no.75, Hüdavendigâr Mufasssal, 3.cilt, s.5.)

İkame-i bazar-ı kaza-i Yenişehir beher hafta yevm-i Salı

Hüdavendigâr sancağı dahilinde kain Yenişehir kazasının bazarı Cuma gününe tahsis kılınmış ve yevm-i mezkur ahali-i müsliminin tatili olduğu halde bi'z-zaruret muamele-i bey ü şıra ile iştiğal olunup bu suret salat-ı Cum'a vaktinin ikamesini mucib olduğundan mezahib-i selase ehline ahz ü itaca bir guna mahzuru olmamak üzere bazar-ı mezkurun Salı gününe tahvili hususu Burusa meclisinden ba mazbata inha olunmuş olmakdan naşi kuyud-ı lazımeye müracaat olundukda kaza-i mezbur hass-ı hümayun dahilinde bu-

lunmasıyla bazar-ı mezkurun Salı gününe tahvili hususuna müsaade-i seniyye erzan kılındığı halde Defterhane-i Amire'de olan kaydı mahalli ba hatt-ı tevkii müceddeden tashih olunmak üzere emr-i şerif ısdarı mukteza-yı maslahatdan idüğü Defter emaneti tarafından arz ve ilam ve ber mucib-i ilam bazar-ı mezkurun Salı gününe tahvili hususuna müsaade-i seniyye-i mülukane erzan kılındığı halde Defterhane-i Amire'de olan kaydı mahalli bu hatt-ı tevkii tashih olunmak üzere başka ve mahalline ifade-i hali mutazammın başka iki kıt'a emr-i şerif ısdarı eazım-ı rical-i Devlet-i aliyye'den Maliye nazırı ve Mecidiye nişan-ı hümayununun ikinci rütbesinin haiz ve hamili iftiharü'l-eali ve'l-eazım mümtazü'l-ekabir ve'l-efahim Ebubekir Mümtaz dame uluvvuhu tarafından ba takrir ve telhis ifade olunmuş ve ol vechile icrası hususuna irade-i seniyye-i mülukane taallukıyla ol babda hatt-ı hümayun-ı şevket-makrun-ı şahane şeref-efza-yı sahife südur olarak mantuk-ı münifi üzere ifade-i hali mutazammın diğer emr-i şerif tastir kılınmış olmağın mucibince Defterhane-i Amire'de olan kaydı mahalli müceddeden sebt ve tashih olunmak üzere bu hakire hitaben sadır olan ferman-ı ali mucebince kaydı mahalli müceddeden tashih ve sebt-i defter olundu fi 29 Cemazielahir sene 1278

İkamesiçün sadır olan ferman-ı ali mucebince sebt ve kayd ve tashih olundu fi 29 Cemazielahir sene 1278

El-Fakir es-Seyyid Mehmed Raif tevkîf

-88-

(TKGMA, no.75, Hüdavendigâr Mufasssal, 3.cilt, s.112.)

İkame-i bazar der karye-i Yenice der kaza-i Atranos beher hafta yevm-i Cumaertesi

Hüdavendigâr ealetinde kain Atranos nahiyesinde mine'l-kadim cuma günleri bazar küşad olunmakda ise de kura-i mütecavirenin bu'diyeti cihetiyle ahalişi eyyam-ı şitada gidüp havaic-i zaruriyyelerini tedarikinde duçar-ı zahmet ve meşakkda olduklarından bahisle nahiye-i mezburenin vasatında olup, her tarafa kurbiyyeti bulunan Yenice karyesinde Cumaertesi günleri müceddeden bazar küşad olunması hususu Hüdavendigâr eyaleti meclisinden ba mazbata imha olunmuş olmakdan naşi kuyud-ı lazımeğe müracaat olundukda karye-i mezbure timar dahilinde olduğu cihetle bazar-ı mez-

kurun yevm-i mezburda ikame olunması hususuna müsaade-i seniyye-i mülukane erzan kılındığı halde Defterhane-i Amire'de olan kaydı mahalli ba hatt-ı tevkii tashih olunmak üzere emr-i şerif ısdarı mukteza-yı maslahatdan idüğü ber muceb-i ilam bazar-ı mezkurun Cumaertesi günlerinde ikamesi hususuna müsaade-i seniyye-i mülukane erzan kılındığı halde Defterhane-i Amire'de olan kaydı mahalli ba hatt-ı tevkii tashih olunmak üzere başka ve mahalline iade-i hali mutazammın başka iki kıt'a emr-i şerif ısdarıyla Varidat muhasebesine ilm ü haberi verilmek üzere tevsiyesi hususu müşirran-ı izam-ı saltanat-ı seniyyeden maliye nazırı olup birinci rütbe-i Osmani ve ikinci rütbe-i Mecidi nişan-ı zişanlarının haiz ve hamili düstur-ı mükerrerrem müşir-i mufahham nizamü'l-alem müşir-i fetanet-semir Mehmed Kani Paşa edamallahu teala iclalehu canibinden ba takrir ifade ve ifham olunmuş ve ol vechile icrası hususuna irade-i seniyye-i mülukane müteallik ve şeref-südur olarak mukteza-yı münifi üzere ifade-i hali mutazammın diğer emr-i şerif tasdir kılınmış olmağın mucibince karye-i mezburda beher hafta Cumaertesi günlerinde müceddeden bazar ikame ve küşad olunmak üzere bu hakire hitaben sadır olan ferman-ı ali mucebince tashih olundu fi 7 Şaban sene 1281

El-Fakir Es-Seyyid El-Hacc Mehmed Raif et-tevkif

İkame-i bazar der karye-i Yenice der kaza-i Atranos beher hafta yevm-i Cumaertesi

Vassalede tafsilen şerh olunduğu üzere karye-i mezburede Cumaertesi günlerinde müceddeden bazar ikamesi hususuna irade-i seniyye-i mülukane şeref-südur buyrulmuş olmağın sadır olan ferman-ı ali mucebince kaydı tashih ve sebt olundu fi 7 Şaban sene 1281

El-Fakir Es-Seyyid El-Hacc Mehmed Raif et-tevkif

-89-

(TKGMA, no.75, Hüdavendigar Mufasssal, 3.cilt, s.179)

İkame-i bazar der karye-i Harmancık beher hafta Çarşembe günü

Hüdavendigar sancağında kain Harmancık kazasının muayyen

bazar olmamak mülabesesiyle husule gelen zahair ve eşya-yı saireyi nakl ve fûruht etmek için ahali-i bi'z zarure mesafe-i baidede bulunan bazar ve esvaka nakl ve tesviye etmekte olduğu ve bu hususu ahali-i fukaraya masarîf-ı zaireyi mucib ve gadr ve hasarı müstevcib idüğü beyanıyla rahmen li'l-fukara kaza-i mezbur dahilinde beher hafta Çarşenbe günü bazar ikamesine müsaade-i seniyye erzan buyurulması kaza-i mezbur ile Burusa meclisinden ba mazbata inha olunmaktan naşi kuyd-ı lazımesi ve emsali keyfiyeti Defterhane-i Amire'den bade'l-ihraç Atranos nahiyesine tabi neferat-ı aded ile karye-i Harmancık ve hasılı tahtında resm-i çift ve garuh ve hinta ve sair yekun maa gayruhu üçbindörtüüz akça yazu ile Defter-i Mufassal'da muharrir kalemiyle tahrir ve Defter-i İcmal'de tamam yazu-yı mezkuresiyle bir icmal ve icmal-i mezbure tamamen Mir Es-Seyyid Ali hace-i Mühendishane'nin üzerinde iken mahlulünden elli bir senesinden itibaren maliye hazine-i celiyesinden zabt olunmuş ve Filorina kazasına tabi Repeh karyesinde bazar olmayup haftada bir def'a Cumaertesi günü bazar ikamesi için **1254 senesinde südur eden hatt-ı hümayun mucibince** Defterhane-i Amire'de olan kayd-ı mahalli ba hatt-ı tevkii tashih olunmuş olduğu emsalinden bulunmuş olmağla bu takdirce ber mukteza-yı Defter-i Hakani salifü'z-zikr karye-i Harmancık el-mezburenin mahsulat ve rüsumatı maliye hazinesinden zabt olunmak iktiza edüp ancak ber mantuk-ı mazbata Harmancık karyesinde ikame-i bazarın sarahaten tahriri mahalli Defterhane-i Amire'de bulunmadığından cevabı tahrir olunmuş ve emsali kaydına nazaran inha olduğu vechile müceddeden bazar ikamesi hususuna müsaade-i aliyye erzan kılındığı halde hakpa-yı hümayun-ı mülukaneye lede'l-arz irade-i seniyye-i şahane taalluk ederek Defterhane-i Amire'ye müceddeden sebt olunması için Divan-ı hümayun'dan tashih emri şerifi ısdarı iktiza eylediği mütehayyizan-ı rical-i Devlet-i Aliyye'den sabık defter emini iftiharü'l-eali ve'l-eazım Es-Seyyid Mehmed Arif dame uluvvuhu tarafından arz ve ilam ve mucibince tesviyesi hususunu vükela-yı fiham-ı saltanat-ı seniyyeden halen umur-ı maliye nazırı düstur-ı mükerrerrem müşir-i mufahham nizamü'l-alem müşir-i sadakat semir Safveti Paşa edamallahu teala iclalehu canibinden ba takrir ve telhis ifade ve ifham olunmuş ve ol vechile icrasına irade-i seniyye-i mülukane taallukıyla ol babda hatt-ı hümayun-ı şevket-makrun-ı şahane şeref-efza-yı sahife südur olarak mukteza-yı münifi üzere ifade-i hali mutazammın diğer emri şerif tasdir ve ita kılınmış olmağla bazar-ı mezburun Çarşenbe gününde ikame olunmak üzere Defterhane-i Amire'de olan kaydı mahallin kaleminle tashih ve sebt eylesin deyü bu hakire hitaben varid

olan emr-i ali mucebince tashih olundu fi 10 Ramazan sene 1260

Es-Seyyid Ahmed Nureddin et-Tevkiî

İkame-i bazar der karye-i Harmancık beher hafta yevm-i Çarşenbe

Vassalede tafsilen şerh olnduğu üzere ba hatt-ı hümayun ve ba ferman-ı ali mücededen tashih ve sebt-i defter olundu fi 10 Ramazan sene 1260

Es-Seyyid Ahmed Nureddin et-tevkiî

-90-

(TKGMA, no.75, *Hüdavendigâr Mufassal*, 3.cilt, s.192.)

İkame-i bazar-ı nefsi Kepsud beher hafta Pençsembe günü

Hüdavendigâr eyaleti dahilinde vaki Kepsud kazası ahalisi mal vergilerini eda ve havaic-i zaruriyyelerini ifa etmek üzere yedlerinde bulunan zahair vesair emtialarını civarında vaki Balıkesri ve Biğadiç kazalarında kurulan bazarlara haftada bir kere götürüp furuht etmekde olduklarından bu keyfiyet mesafe-i seferiye ve saireyi mucib olmakda olduğu beyanıyla badema nefsi Kepsud'da haftada bir defa Pençsembe günü bazar kurulması hususuna müsaade-i seniyye erzan kılınmasını Kepsud kazası meclisinden ba mazbata ve ba ilam inha olunmuş ve ilam ve mazbata-i mezkureyi musaddak halen Selanik sancağı müşiri düstur-ı mükerrerrem müşir-i mufahham nizamü'l-alem **vezir Mehmed Salih Paşa** edamallahu teala iclalehunun eyalet-i mezkur müşirliği hengamında ve iftiharü'l-ekabir ve'l-ekarim rical-i Devlet-i Aliyye'den defterdar El-Hacc Ahmed İzzet zide uluvvuhu taraflarından dahi bi'l-iştirak tahrir ve iş'ar kılınmış olmakdan naşi kuyud-ı lazimesi ve emsali keyfiyeti Defterhane-i Amire'den badie'l-ihraç Kepsud nahiyesine tabi mahallat-ı müselmanan neferat-ı aded ile nefsi Kepsud ve hasılı tahtında resm-i çift ve gayruhu ve hinta ve şair yekun maa gayruhu otuzbeşbinikiyüzotuzbir akça yazı ile Defter-i Mufassal'da muharrir kalemiyle tahrir ve Defter-i İcmal'de tamam yazı-yı mezkuresi maa gayrına birikdirilüp yekun kırksekizbinbeşyüzellidokuz akça zeamet deyü bir icmal ve icmal-i mezburun sekizbirkinkdokuz akçası Mehmed veled-i Ahmed Çavuş **ser-yedekçi-i lala-i Valide Sultan**

sabkın bakisi müşterekleri kaydlarında bulunmuş ve ber mantuk-ı inha ve mazbata Kepsud kazasında ikame-i bazarın sarahaten tahriri mahalli bulunanmış olduğu Defterhane-i Amire'den tahrir olunmuş ve Harmancık karyesinde beher hafta Çarşenbe günü müceddeden bazar ikame olunması hususu ahali ve reaya taraflarından niyaz ve istirham olunarak yevm-i mezkurda bazar ikamesiçün binikiyüz altmış senesi Ramazanü'l-müberak'ının dördüncü gününde şeref-südur eden hatt-ı hümayun-ı şevket-makrun-ı şahane ile Defterhane-i Amire'de olan kaydı mahalli ba hatt-ı tevkii tashih olunmuş olduğu emsalinden bulunmuş olmağla bu suretde ber mucib-i inha beher hafta Pençsembe günü kaza-i mezkurda müceddeden bazar ikame olunmasına müsaade-i aliyye olduğu halde canib-i hümayun-ı mülukaneye lede'l-arz irade-i seniyye-i şahane taalluk ederek Defterhane-i Amire'de olan kaydı mahalli tashih olunması için Divan-ı Hümayun'dan tashih emri şerifi ısdarı mukteza-yı maslahatdan idüğünü mütehayyizan-ı rical-i Devlet-i Aliyye'den Zıraat Meclisi reisi iftiharü'l-eali ve'l-eazım **Mustafa Kani Bey** dame uluvvuhunun defter eminliği hengamında tarafeynden arz ve ilam olunmuş ve mucibince Defterhane-i Amire'de olan kaydı mahalli ba hatt-ı tevkii tashih olunmak üzere başka ve mahalline ifade-i hali mutazammın başka iki kıt'a emr-i şerif ısdar ve itasıyla tesviyesi hususu halen maliye nazırı düstur-ı mükerrerem müşir-i mufahham nizamü'l-alem müşir-i sadakat semir **Es-Seyyid Abdurrahman Nafiz Paşa** edemallahu Teala iclalehu canibinden dahi ba takrir ve telhis ifade ve ifham olunmuş ve ol vechile icrasına irade-i seniyye-i mülukane taallukıyla ol babda hatt-ı hümayun-ı şevket-makrun-ı şahane şeref-efza-yı sünuh ve südur olarak mukteza-yı münifi üzere ifade-i hali mutazammın diğer emr-i şerif tasdir ve ita kılınmış olmağla bazar-ı mezkuru Perçşenbe günü müceddeden ikame olunmak üzere Defterhane-i Amire'de olan kaydı mahallini kaleminle tashih ve sebt eyleyesin deyü bu hakire hitaben varid olan emr-i ali mucebince tashih olundu fi 23 ZA sene 1261

Es-Seyyid Ahmed Nureddin et-tevkî

İkame-i bazar-ı nefsi Kepsud beher hafta yevm-i Pençşenbe

Vassalede tafsilen şerh olunduğu üzere bazar-ı mezkurun Pençşenbe günü müceddeden ikame olunmak üzere Defterhane-i Amire'de olan kaydı mahallini kaleminle tashih ve sebt-i defter eyleyesin deyü ba hatt-ı hümayun sadır olan ferman-ı ali mucebince tashih ve sebt-i defter olundu fi 23 ZA sene 1261

Es-Seyyid Ahmed Nureddin et-Tevkî

-91-

(TKGMA, no.75, Hüdavendigâr Mufasssal, 3.cilt, s.245.)

İkame-i bazar der karye-i Koyunağılı tabi-i kaza-i Mihalıccık
beher hafta yevm-i Çarşamba

Ankara sancağında kain Mihalıccık kazasında bazar yeri olmayup beher sene hulul-ı evvel baharda Bozarmud tabir olunan cebel üzerinde haftada bir guna bazarbaşı tecammu ederek bazar-ı Kalıklı birkaç saat aht u ita olunmakta ise de cebel-i mezkurun ıssız ve muhavvef bir mahal olması cihetiyle arasına bazı uygunsuzluk zuhur etmekte olduğundan bahisle Sinan Paşa vakfından olup munasebet-i mevkiiyesi ve bazar kuşadına elverişli bulunan Koyunağılı nam karyede beler hafta Çarşenbe günleri müceddeden bazar ikamesi hususu Ankara meclisinden ba mazbata inha olunmuş olmakdan naşi kuyud-ı lazımeğe müracaat olundukda kaza-i mezbur vakıf dahilinde olduğu cihetle bazar-ı mezkurun ikamesi hususuna musaade-i seniyye mulukane erzan kılındığı halde Defterhane-i amire'de olan kaydı mahalli ba hatt-ı tevkii tashih olunmak üzere emr-i şerif ısdarı mukteza-yı maslahatdan iduği Defter Emaneti tarafından arz ve ilam olunmuş ve ber mucceb-i ilam bazar-ı mezkurun beher hafta Çarşenbe günlerinde ikamesi hususuna musaade-i seniyye-i mulukane erzan kılındığı halde Defterhane-i Amire'de olan kaydı mahalli ba hatt-ı tevkii tashih olunmak üzere başka ve mahalline ifade-i hali mutazammın başka iki kıt'a emr-i şerif ısdarıyla Varidat muhasebesine ilm u haberi verilmek üzere tesviyesi hususu muşiran-ı izam-ı saltanat-ı seniyyeden maliye nazırı olup birinci rutbe-i Osmani ve ikinci rutbe-i mecidi nişan-ı zışanlarının haiz ve hamili dustur-ı mukerrem muşir-i mufahham nizamu'l-alem muşir-i fetanet-semir Mehmed Kani Paşa edamallahu Teala iclalehu canibinden ba takrir ifade ve ifham olunmuş ve ol vechile icrası hususuna irade-i seniyye-i mulukane muteallik ve şerif-sudur olarak mukteza-yı munifi üzere ifade diğer emr-i şerif tastir kılınmış olmağın mucibince karye-i merkumede beher hafta Çarşenbe günlerinde müceddeden bazar ikame ve kuşad olunmak üzere Defterhane-i Amire'de olan kaydı mahalli müceddeden sebt ve tashih olunmak üzere bu hakire hitaben sadır olan ferman-ı ali muccebince tashih ve sebt-i defter olundu fi 25 Şevval sene 1281

El,Fakir Es-Seyid El-Hacc Mehmed Raif et-tevkîf

İkame-i bazar der karye-i Koyunağılı tabi-i kaza-i Mihilicçik beher hafta yevm-i Çarşamba

Vassalede tafsilen beyan olunduğu üzere beher hafta Çarşembe günleri müceddeden bazar ikamesi hususuna irade-i, seniyye,i mulukane şeref-sudur buyrulmuş olmağın sadır olan ferman-ı mucebince tashih ve sebt-i defter olundu fi 25 Şevval sene 1281

El-Fakir Es-Seyyid El-Hac c Mehmed Raif et-tevkî

-92-

(TGMA, no.49, Kocaeli Mufassal, s.19.)

İkame-i bazar-ı nefsi İzmid beher hafta yevm-i cuma

Nefsi İzmid cesimce bir şehir olup iskele mahalli bulunduğu ve cesimce kura ve kasabatı havi olduğu halde şimdiye kadar bir bazar-ı mahsus vaz olunmadığı ve şehir-i mezkurun baş tarafında vaki Yukaruçarşu denilen mahalde bir bazar kuşadıyla her türlü mamulat ve emtia ve eşya ve erzak-ı mütenevvia saldırılması memleketce ve halkca fevaid ve menafii mucib olacağından bahisle mahall-i mezkurda beher hafta Cuma günleri bazar kuşad olunması hususu İzmid meclisinden bu mazbata inha olunmuş olmakdan naşi kuyud-ı lazıme müracaat olundukda zikr olunan mahall havass-ı humayun dahilinde olduğu cihetle bazar-ı mezkurun Cuma günlerinde ikame olunması hususuna müsaade-i seniyye-i mulukane erzan kılındığı halde Defterhane-i Amire'de olan kaydı mahalli ba hatt-ı tevkii tashih olunmak üzere emr-i şerif ısdarı mukteza-yı maslahatdan iduği Defter Emaneti tarafından arz ve ilam olunmuş ve ber muceb-i ilam bazar-ı mezkurun Cuma günlerinde ikamesi hususuna müsaade-i seniyye-i mulukane erzan kılındığı halde Defterhane-i Amire'de olan kaydı mahalli ba hatt-ı tevkii tashih olunmak üzere başka ve mahalline ifade-i hali mutazammın başka iki kıt'a emr-i şerif ısdarı ve keyfiyet malum olmak için Varidat muhasebesine ilm ü haberi verilmek üzere tesviyesi hususu vukela-yı fiham-ı saltanat-ı seniyyeden osmani ve Mecidi nişan-ı zişanlarının birinci rütbelerinin haiz ve hamili dustur-ı mükerrer müşir-i muhafham nizamı'l-alem müşir-i fetanet-semir Mustafa Fazıl Paşa edamallahu Teala iclalehunun maliye nazırlığı hengamında tarafından da takrir ve telhis ifade ve ifham olunmuş ve ol vechile icrası hususuna irade-i seniyye-i mulukane muteallik ve şeref-sudur olarak

gününde ayin-i batıllarının icrasına mani olunmamak için kaza-i mezkurda kurulacak bazarın Pazartesi gününe tahsisi ve tayin kılınması ahali-i merkume bi'l-umum niyaz ve istirham etmiş olduklarını mübeyyin kaza-i mezbur naibi kıdevtu'n-nüvvabi'l-müşerri'in Debbağzade mevlana Mehmed Şerif zide ilmuhu ilam ve ilamı musaddak İznikmid mütesellimi kıdvetu'l-emacid ve'l-ayan Mustafa Tahir zide mecduhu dahi inha ve kuyuda lede'l-muracaat ber vech-i muharrer kaza-i mezburda mine'l-kadim bazar günlerinde kurulan bazarın Cumaertesi gününe tahvili hususu mukaddema inha istid'a olunmuş olduğuna mebni istid'a olunduğu vechile Cumaertesi gününe tahvili için şeref-sudur olan hatt-ı humayun-ı inayet-makrun-i şahane mucibince Defterhane-i Amire'de olan kaydı mahalli ba hatt-ı tevkii tashih olunarak işbu binikiyuzkırkyedi senesi şehri Rebiülahir'inin onuncu gününde emri şerif verilmiş ve ilam ve imha olunduğu üzere bazar-ı merkumun gününe tahvil ve ikame olunması hususuna müsaade-i seniyye taalluk eylediği halde atabe-i felek-mertebe-i cihandarane'den bi'l-istizan bazar-ı merkumun Defterhane-i Amire'de olan kaydı mahalli tekrar tashih olunmak iktiza eylediği halen defter emini iftiharul-emacid ve'l-ekarim Mehmed Arif dame mecduhunun arzı mefahiminden musteban olmakdan naşi husus-ı mezbur bi'l-istizan musaade-i aliyye-i şahane olduğu halde iktizasına göre evamirinin tahriri lazım geleceği kaleminden tahrir kılınmış idüğünü bi'l-fiil başdefterdar iftiharul-umera ve'l-ekabir Mir Ali Necib dame uluvvuhu takrir ve takriri hakpa-yı humayun-ı mevhebet-makrun-ı husrevaneye lede'l-arz inha olunduğu üzere bu kerre dahi bazar-ı merkum merhameten Pazartesi gününe tahvil etdirilmek üzere icrasına ibtidar olanması mazmununda sahife-piray sudur eden hatt-ı şerif-i şevket-redif-i mulukaneye imtisalen kaza-i mezburda ikame olunacak bazarın Pazartesi gününe tahvili için Defterhane-i amire'de olan kaydı mahalli tashih olunmak babında iktizasına göre Divan-ı Humayun'dan emri şerif sudurunu defterdar-ı numailyeh tekrar telhis etmeğin mucibince hatt-ı humayun-ı inayet-makrunla sadır olan ferman-ı celilul-kadr ve emin ve defterdar-ı mumaileyhumanın arz ve takriri muciblerince ber minval-i muharrer bazar-ı merkumu Pazartesi gününe tahvil birle ikame olunması için defterin getirdup kaydı mahallini kalemle tashih eyleyup Malikane kalemine icmal-i hakanisin veresiz deyu bu hakire hitaben varid olan emri ali mucibince tashih olundu fi 9 cemazielahir sene 1247

El-Fakir Eyyup Naşid et-tevkii halâ

Diğer vassalede tafsil olunduğu üzere Adapazarı'nda haftada bir gün cumaertesi ikame olunan bazar ehl-i İslam'ın salat-ı Cuma'ya fevti mahzurundan salim ve reaya taifesinin dahi Pazar günlerinde ayin-i batılalarının icrasına mani olmamak için bu kerre dahi bazar-ı merkum merhameten Pazarertesi gününe tahvil etdirilmek üzere bu hatt-ı humayun bu hakire hitaben sadır olan ferman-ı ali mucebince tashih olurdu fi 9 cemazielahir sene 47

El-Fakir Eyyup Naşid et-tevkiî hala

Vassalade tafsil olunduğu üzere Adapazarı kazasında ber mutad haftada bir gün kurulagelen bazar kadimden beru Pazar günleri kurulmakta ise de yevm-i mezbur, bilcümle ehl-i zimmet reayanın ayin-i batılları icrası günü olmak mulasebesiyle ahz ü itanın kesretini mucib ve kaza-yı mezbur fukarasının adem-i ticaretlerini mustevcib olduğundan bahisle yevm-i mezburda ikame olunan bazarın cumaertesi gününe tahvil ve tahsis kılınmasını kaza-yı mezbur ahali arzıhalleriyle inha ve istidalarını musaddak naibi Mehmed inha ve ila etmegün bazar-ı merkum pazarertesi gününe tahvil ve ikame olunması için bu hatt-ı humayun sadır olan ferman-ı ali mucebince müceddeden tashih ve sebt-i defter olundu fi 10 R sene 1247

El-Fakir Eyyup Naşid et-tevkiî hala

-94-

(TKGMA, no.49, Kocaeli Mufassal, s.219.)

İkame-i bazar der kasaba-i Kekboza yevm-i Ahad haftada bir defa

Rika-ı Hümayun kapucubaşlarından Üsküdar koru-yu hümayun müdiri iftiharü'l-ematicid ve'l-ekarim Alaeddin dame mecduhunun Bab-ı Alişan-ı takdim eylediği bir kıta takrirden koru-yu mezkura merbut kazalardan Kekboza kazasında beher hafta ikame olunan bazar bir müddetden berü metruk olduğundan kaza-yı mezburda beher hafta yevm-i Ahad'da ikamesine müsaade-i seniyye erzaniyla ol babda bir kıta emr-i alişan ısdarı hususu istida kaza-i mezbur naibi kıdvetü'n-nüvvai'l-müteşeriin Mevlana Sadık zide il-muhunun ilamı takdim kılındığı beyaniyla icra-yı iktizası hususu beyaniyla inha olunmaktan naşi kuvud-ı lazimesi ve emsali keyfiy-

yeti bade'l-ihrac salifü'z-zikr Kekboza kazasında ikame-i bazarın sarahaten tahriri mahalli bulunmamış olmağla bu takdirce ber mukteza-yı Defter-i Hakani marrü'z-zikr nefsi-i Kekboze el-mezburenin resm-i keyl ve resm-i ganem-i şehirlüyan ve cürm-i cinayet ve bad-ı heva-yı nefsi-i şehirde bu dahi hasılat ve rüsumatı mirliva hasısı tarafından zabt olunmak iktiza eder bu suretde kaza-i mezbure müdiri numailiyhin işbu memhur şukkası mantuku üzere kasaba-i mezku-reden ikame-i bazar hususuna irade-i seniyye müteallik olduğu halde emsali misillü ikame-i bazar günü tasrihiyle Defterhane-i Amire'ye müceddeden tashih ve sebt olunması için Divan-ı Hümayun tashih-i emri-i şerif itası iktiza edüp ancak husus-ı mezbur hakpa-yı hümayun-ı mülukaneye arz ve istizan mütevakkıf eylediği iftiharü'l-ekabir ve l-ekarim bilfiil Ceride muhasebecisi Es-Seyyid Mehmed Said zide uluvvuhu arzı mealinden müteban salifü'z-zikr Kekboza kazasında ikame-i mazarın tahriri mahalli bulunmamış ve piraveşte kazasına muzaf Moştaf karyesinde küşadı mutad olan bazar mürur-ı zaman ile mensi hükmüne girmiş olduğundan bazar-ı mezkurun kema fi's-sabık küşadı hususu bundan akdem lede'l-inha karye-i mezkurda ikame-i bazarın tahriri mahalli olmadığından emsali misillü vechile karye-i merkumede Çarşenbe günü müceddeden bazar ikamesine müsaade-i seniyye erzaniyla ol babda ba hatt-ı hümayun-ı şahane Defterhane-i amire'ye müceddeden sebt ve tashih olmak için Divan-ı Hümayun kaleminden emri-i şerif tasdiriyle ve ita olduğu emsalinden idüğü meal-i arzdan müstefad olmağla bu suretde ber mantuk-ı inha ve arz zikr olunan Kekboza kazasında dahi ikame-i bazarın tahriri mahalli bulunmadığından misli-i meskubu üzere haftada bir defa yevm-i Ahad'da müceddeden bazar ikamesine müsaade-i aliyye erzan olduğu halde Hakpa-yı Hümayun-ı mülukaneden bi'l-istizan ba hatt-ı hümayun-ı şevket-makrun-ı mülukane Defterhane-i Amire'ye müceddeden sebt ve tashih olunmak için başka ve mahalline ifade-i hali ve ruhsatı havi başka Divan-ı Hümayun kaleminden evamir-i aliyye tasdiriyle tesviyesi lazım geleceğini halen umur-ı Maliye nazırı düstur-ı mükerrerrem müşir-i muhafham nizamü'l-alem müşir-i sadakat-semir vezir es-Seyid Abdurrahman Nafiz Paşa edamallahu Teala iclalehu ba takrir inha ve takriri hakpa-yı hümayun-ı şahanaye lede'l-arz inha ve istizan olduğu üzere iktizasının icrası hususuna irade-i seniyye-i mülukane tallukıyla ol babda hatt-ı şerif-i meali-redif-i cihandaraneyle levhazib südur olduğuna imtisalen kaza-i mezburda haftada bir defa yevm-i ahad'da ikame-i bazar olunmak üzere Defterhane-i Amire'ye müceddeden sebt ve tashih olunmak için ve başka mahalline ifade-i hal ve ruhsatı havi başka Divan-ı Hümayun kalemin-

den evamir-i aliyye ısdarı iktıza eylediği müşir-i müşarünileyhin takrir ve telhisi mucebince defterin getürdüp ber minval-i muharrer kaza-i mezburda emsali misillü haftada bir defa yevm-i Ahad'da bazar ikame olunmasıçün kaydı mahalline kalemle tashih ve sebt-i defter eylevesiz deyü bu hakire hitaben ba hatt-ı hümayun varid olan emr-i ali mucebince tashih ve sebt-i defter olundu fi 18 cema-zielahir sene 1255

El-Fakir Es-Seyyid Mehmed Said

Muhasebe-i Haremeyn hala

İkame-i bazar der kasaba-i Kekboza yevm-i ahad haftada bir defa

Vassalede tafsil olunduğu üzere ba hatt-ı hümayun sadır olan ferman-ı ali mucebince tashih ve sebt-i defter olundu fi 18 cemazie-lahir sene 1255

-95-

(TKGMA, no.35, Bolu Mufassal, 1.cilt, s.140.)

Küşad-ı panayır-ı Mahya tabi-i nahiye-i Dörtdivan der kaza-i Gerede beher sene eylül ibtidasından on beş gün müddeti

Bolu sancağına tabi Gerede kazasında Dörtdivan nahiyesi mi-yanında senede bir defa ruz-ı Kasım'a karib bir gün tecemmu edüp ahşama kadar ahz ü ita olunan ve Mahya denilen panayırın Kaplı-calar yanına nakliyle beher sene Eylül ibtidasından bed ile on beş gün küşad ve imtidat olunması ba mazbata ve tahrirat inha olunmuş olmakdan naşi kuyud-ı lazıme müracaat olundukda mahall-i mezkur zeamet dahilinde olduğu cihetle panayır-ı mezkurun eyyam-ı mezburede küşad olunması hususuna müsaade-i aliyye erzan kılındığı halde Defterhane-i Amire'de olan kaydı mahalli ba hatt-ı tevkii tashih olunmak üzere başka ve mahalline ifade-i hali mutazammın başka iki kıta emr-i şerf ısdarı ve Varidat Muhasebe-sine ilm ü haberi verilmek üzere tesviyesi Maliye Nezaret-i Celile-siyle Defter Emanet-i Behiyyesinden ifade ve ilam olunmuş ve ol vechile icrası hususuna irade-i aliyye müteallik olarak mucibince ifade-i hali mutazammın diğer emr,i şerif tastir kılınmış olmağın mucebince kaza-i mezburda beher sene Eylül ibtidasından on beş

ikame olunmak üzere Defterhane-i Amire'de olan kaydı mahalli müceddeden tashih olunmak için bu hakire hitaben sadır olan fer-
man-ı ali kucebince tashih olundu fi 29 Receb sene 1285

El-Fakir El-Hacc Mehmed Raif

Et-tevkiî

Vassalede tafsilen şerh olunduğu üzere Musluca kazasında beher hafta Pazartesi günlerinde müceddeden bazar küşadı huşu-
suna irade-i aliyye-i vekalet penahi şeref südur buyrulmuş olmanın
ol babda sadır olan ferman-ı ali mucebinc e tashih ve sebt-i defter
olundu fi 29 Receb sene 1285

El-Fakir el-Hacc Mehmed Raif

Et-tevkiî

-98-

(TKGMA, no.152, Karesi Mufassal, s.23)

Balıkesri kazasında beher sene ikame olunan panayır tüccarın
ez kadim Çanı ve Gönen kazaları panayırlarından avdetlerinde ku-
rulagelmiş yani ruz-ı Hızır-ın onbirinci günü Çanı kazasında ve
kırkbirinci günü Gönen kazasında ve ellibirinci ki Haziran'ın onbi-
rinci günü Balıkesri'nde tüccar bu günü küşad birle ahz ü itaya mü-
başeret olunması usulünden olarak ol vechile zikr olunan Çanı ve
Gönen panayırları kema fi's-sabık ikame olunmakda ise de usul-ı
cariyesine riayet olunmayarak Balıkesri panayırı iki üç ay sonraca
kurulup bu cihetle tüccarın sabıkü'z-zikr panayırlardan dağılıp ma-
hallerine avdet ve tekrar Balıkesri'ne azimetleri usreti mucib ve
mal-ı maktue ve resm-i ihtisabın kesrini müstevcib bulunmuş oldu-
ğundan bahisle muvafık irade-i seniyye olduğu halde ikiyüzelli se-
nesinden itibaren bade ez-in tüccarın zikr olunan Çanı ve Gönen
kazaları panayırlarının avdetlerinde Balıkesri panayırı dahi küşad
olunacağı ilanıya mutazammın Şam ve Haleb ve Diyarbekir ve
Tokad ve Burusa ve İzmir ve Magnisa ve Denizli ve Siroz canible-
rine evamir-i aliyye tasdirî hususunu Dergah-ı Mualla kapucubaşı-
larından Karesi sancağı mütesellimi iftiharü'l-emacid ve'l-ekarim
Mehmed Şerif dame mecduhu inha ve Balıkesri kazası naibi kıdve-
tü'n-nüvvabi'l-müteşerriin Mevlana Es-Seyyid Hasan Edib zide il-

muhi dahi ilam etmekden naşi kuyud-ı lazimesi ve emsali keyfiyeti bade'l-ihraç lede'l-havale Balıkesri nahiyesine tabi neferat ve mahallat-ı aded ile nefsi-i Balıkesri ve hasılı tahtında bac-ı bazar ve ihtisab ve şemhane ve buzhane ve meyhane ve bac-ı nemed ve bad-ı heva ve resm-i arusane ve resm-i keyl altmış akça yazusuyla Defter-i Mufassal'da muharrir kalemiyle tahrir Defter-i İcmal'de tamam yazusuyla hass-ı mirliva-i Karesi dahilinde olduğu kaydı ihraç olunmuş ve derkenar olduğundan maada mütezellim ve naib-i mumaileyhümanın arıza ve ilamı mantuku üzere salifü'l-beyan Balıkesri ve Çanı ve Gönen kazalarında ikame olunan panayırların evkat-ı muayyeneleri tasrihiyle tahrirleri mahalli Defterhane-i Amire'de bulunmadığının cevabı tahrir olunmuş olmağla bu takdirce bermukteza-yı Defter-i Hakani nefsi-i Balıkesri el-mezburenin mahsulat ve bac-ı bazar ve ihtisab ve şemhane ve buzhane ve meyhane ve bac-ı nemed ve bad-ı heva ve resm-i arusane ve resm-i keyl el-mezburelerin rüsumat ve müteveccihatı Karesi hassı tarafından ve çanı nahiyesine tabi Karakayı el-mezburenin mahsulat ve rüsumatı Asakir-i Mansure süvarisi tekaüdlerinden Halil veled-i Mehmed-in tarafından ve nefsi-i Gönen el-mezburenin mahsulat ve rüsumatı mirliva-i Hüdavendigâr hassı tarafından ve Gönen nahiyesine tabi Defter-i İcmal'de ber vech-i tahmin sekizyüz akça yazı ile mukayed yazar Hacı İsa el-mezburenin müteveccihatı Defterhane-i Amire kaleminin mürettib-i şerhlülerinden Ahmed Vecihi ile sair müşterekleri taraflarından zabt iktiza eder ancak balada bast ü beyan olunduğu üzere Balıkesri kazasında beher sene ikame olunan panayır ve ez kadim Çanı ve Gönen kazaları panayırlarının avdetlerinde kurulup ruz-ı Hızır'ın otuzbirinci günü Çanı kazasında ve kırkbirinci günü Gönen kazasında ve ellibirinci günü ki Haziran'ın onbirinci günü Balıkesri'nde ikame olunmakta iken bir müddetden berü bu usule riayet olanmayarak zikr olunan Çanı ve gönen panayırları kema fi's-sabık ikame olunmakta ise de Balıkesri panayır iki üç ay sonraca kurulup bu vechile tüccarın panayırlardan dağılıp mahallerine avdet ve tekrar Balıkesri'ne azimetleri mehdülere mucib-i usret olduğu ve salifü'l-beyan panayırın evkat-ı muayyeneleri tasrihiyle tahrirleri mahalli bulunmadığına binaen bu suretde mütesellim ve naib-i mumaileyhümanın işbu arz ve ilamı mantuku üzere Balıkesri panayırını yine kadimi vechile Çanı ve Gönen panayırlarından avdetlerinde ruz-ı Hızır'ın ellibirinci gününden emsali misillü küşadı hususuna irade-i seniyye müteallik olduğu halde vakt-ı muayyenesi tasrihiyle Defterhane-i Amire'ye müceddeden sebt ve tashihi hususu kamyab-ı mülukaneye arz ve istizan ve hatt-ı keramet vakt-ı şahane-i levha-zıb süduyuyla Divan-ı Hümayun'dan

Vassalede tafsil olunduğu üzere Balıkesri panayırının Çanı ve Gönen panayırları avdetlerinde ruz-ı Hızır'ın ellibirinci günü küşad olunması için ba hatt-ı hümayun sadır olan ferman-ı ali mucebince tashih ve sebt-i defter olundu fi 23 Cemazielahir sene 1251

-100-

(TKGMA, no.152, Karesi Mufassal, s.267)

İkame-i bazar der iskele-i Makaron tabi-i kaza-i Ayazmend beher hafta yevm-i Cuma

Karesi sancağı dahilinde kain Ayazmend kazasında vaki Makaron iskelesinde cuma günlerinde bazar küşad olunması hususu da mazbata ve şukka inha olunmuş olmakdan naşı kuyud-ı lazıme müracaat olundukta iskele-i mezkure havass-ı hümayun dahilinde olduğu cihetle bazar-ı mezkurun yevm-i mezkurda ikame olunması hususuna müsaade-i aliyye erzan kılındığı halde Defterhane-i Amire'de olan kaydı mahalli ba hatt-ı tevkii tashih olunmak üzere başka ve mahalline ifade-i hali mutazammın başka iki kıta emr-i şerif ısdarıyla Varidat Muhasebesine ilm ü haberi verilmek üzere tesviyesi Maliye Nezaret-i Celilesi ve Defter Emanet-i Behiyyesi tarafından arz ve ilam olunmuş ve ol vechile icrası hususuna irade-i aliyye müteallik olarak mucibince ifade-i mutazammın diğer emr-i şerif tasdir kılınmış olmağın mucibince iskele-i mezkurda beher hafta Cuma günleri müceddeden bazar ikame ve küşad olunmak üzere bu hakire hitaben sadır olan ferman-ı ali mucebince tashih olundu fi 15 Zilkade sene 1282

El-Fakir El-Hacc Mehmed Raif

Et-tevkîf

İkame-i bazar der iskele-i Makaron tabi-i kaza-i Ayazmend beher hafta yevm-i Cuma

Vassalede tafsilen şerh olunduğu üzere Makaron iskelesinde beher hafta cuma günlerinde müceddeden bazar ikame ve küşad olunmak üzere bu hakire hitaben şeref südur buyurulan ferman-ı ali mucebince kaydı tashih olundu fi 15 Zilkade sene 1282

El-Fakir El-Hacc Mehmed Raif

Et-Tevkîf